

摘藻堂四庫全書薈要

子部

欽定四庫全書薈要

子部

御定駢字類編卷五十三



欽定四庫全書薈要卷一萬一千九百五十二

子部

御定駢字類編卷五十三

山水門十八

溟

越絕書越王句踐曰昔者孤不幸少失先人內不自量與吳人戰軍敗身辱遣先人恥遜逃出走上

棲會稽山下守——唯魚鰲是見張協七命——渾

獲涌其後嶰谷踞蹙張其前李又興慶池侍宴應制

詩寄語乘槎——客回頭來此問天河黃庭

堅寄南陽謝外舅詩永懷——量北斗不可斟

溟洲

顏延之車駕幸口三月三日侍遊曲阿後湖詩見海浦下



溟渤

王仲言慈寧殿賦廣八荒而為城開——而為池
李白送崔十二遊天竺寺詩待我來歲行相隨

浮——

杜甫自京赴奉先縣詠懷詩胡為慕大鯨輒
梁洽觀漢水詩一道入——別流為滄浪

擬偃——

溟漭

郭璞江賦——
渺涵汗汗泗泗

溟沐

法言密雨——潤
於枯瀆三日射谷

溟漲

杜甫朝獻太清宮賦通天台之雙闕警——之十
李白大鵬賦——拂渭巖巖紛披謝靈運

詩——

無端倪虛舟有超越孟浩然登樟亭驛詩今
日觀——垂綸欲釣鼇李羣玉詩——道路遠荆吳

雲雪愁

秦觀詩高攀

躡雲梯閣視瞰——

溟島

沈佺期同工部李侍郎適訪司馬
子微詩昔嘗遊此郡三霜弄——

溟廣

唐宣宗授鄭涯節廣使
制雅量——貞標嶽孤

溟碣

趙勵秋鴻賦牢落
天地蒼茫——

溟池

庾信崔詵神道
碑銘見山浮下

渤

渤海

史記封禪書自威宣燕昭使人入海求蓬萊方丈
瀛洲此三神山者其傳在——中去人不遠患且

至則船風引而去蓋嘗有至者諸仙人及不死之藥在
焉——又上親禪高里祠后土臨——將以望祠蓬萊之

屬冀至殊庭焉——晉書歐陽建傳歐陽建字堅石世為
冀方右族雅有理思才藻美贍擅名北州時人為之語

曰——赫赫歐陽堅石——地理通釋漢置——郡今滄
棣霸濱諸州之地宋文帝置樂陵郡孝武分置——郡

後魏改一為滄水置滄州王粲為荀彧與孫權掇
昨令將帥戰士就一一七八百里演習舟楫四年之內
無日休解今已擊擢若飛回枕若環馮子振十八公
賦琲璣輸一一之囊琛賁發崑崙之麓駱賓王浮槎
詩一一三千里泥沙幾萬重揚師道奉和聖製春日
望海詩春山臨一一征旅輟晨裝梁鎰詩自從圖一
一誰為覓湘娥

渤渚

鮑照詩一一水浴
鳧春山玉抵鵲

渤澥

南史謝朓傳滄溟未運波臣自蕩一一方春旅嗣
先謝北史周武帝紀建德三年詔曰今立通道

觀俾夫翫培塿者識嵩岱之崇崛守磧礫者悟一一之
泓澄博物志東海之別一一故東海稱渤海隋煬
帝親征高麗詔掩一一而雷震歷夫餘以電掃司馬
相如子虛賦浮一一游孟諸注一一海別枝也馮子

振十八公賦驥渥注而電邁鯨一而波澄李義府

在雋州遙序封禪詩宮堯臨一隱隣控河沂杜甫

漢陂行宛在中流一清下歸無極終南黑戴叔倫

和河南羅主簿送校書兄歸江南詩見瀟湘下劉禹

錫武陵書懷詩百川

宗一五岳輔崑崙

渤尾

鮑照河清頌隴首西南一東北

渤蕩

木華海賦枝岐潭淪一一成圯

滄

滄海

海書食貨志彭吳穿獫狁朝鮮置一郡春秋繁露受命而海內順之猶衆星之拱北辰流水之

宗一一也

法言見江河下

十洲記

一一島

在北海

中地方三千里去岸二十一萬里海四面繞島各廣五

千里水皆蒼色仙人謂之——也

黃庭外景經長生
嵇康卜疑集有

久視乃飛去注上帝徵聘飛入——

宏達先生者恢廓其度寂寥疏闊方而不制廉而不割
超世獨步懷王被褐交不苟合仕不期達常以為忠信

篤敬直道而行之可以居九夷遊八蠻浮——踐河源
甲兵不足忌猛獸不為患徐陵在北齊與宗室書昔

挑花之峽長避秦嬴芝草之山遙然——成公綏天
地賦——沉澹而四周懸圃隆崇而特起趙蕃月中

桂樹賦同蟾蜍之片影似濯瑤池異珊瑚之幽叢徒生
——公叔任通天臺賦召安期於——降王母於黃

屋王曾矮松賦遠而望之蔚兮若搏鵬之出——迫
而察之默兮若方輿之承寶蓋蘇軾前赤壁賦寄蜉

蟻於天地渺——之一粟應瑒別詩見海流下孫
逖登越州城詩封圻——合鄺市碧湖明杜甫不離

西閣詩——先迎日銀河倒列星又喜晴詩見漢陰
下又諸將詩——未全歸禹貢薊門何處盡堯封

盧綸和常舍人晚秋集賢院即事詩——風濤廣黜山
瘴雨偏戴叔倫遣興詩明月臨——閑雲戀故山

李益登天壇詩羣仙指此為我說幾見塵飛——竭

抑宗元酬徐二中丞晉寧郡內池館即事見寄詩泉歸

——近樹入楚山長元稹寄樂天詩山入白樓沙苑

暮潮生——野塘春又離思詩曾經——難為水除

却巫山不是雲孟郊貧女詞仰企碧霞仙高控——

雲殷遙送杜士瞻楚州觀省詩雲深——暮柳暗白

門春李商隱錦瑟詩——月明珠有淚藍田日暖王

生烟張喬贈頭陀僧詩——附船浮浪久碧山尋塔

上雲遙曹唐三年冬大禮詩——舉歌夔足相歷山

迴禪舜為君又華山秋草多歸馬——寒波絕洗兵

張賁酬襲美見寄倒來韻詩酒後只留——客香前

惟見紫陽君許彬送新羅客歸詩君家——外一別

見何因韋莊寄從兄遵詩——十年龍影斷碧雲千

里雁行疎張翥送友人及第歸詩家林——東未晚

日先紅 黃滔故山詩見山在下 蘇軾蒼

梧山詩遠托鰲頭轉——來依鵬背負青天

滄江 田錫望京樓賦雲成宮闕似瞻丹禁之間吾豈匏
瓜久戀——之上 丘為湖中寄王侍御詩晨趨

玉階下心許——流 李頎送喬琳詩陽羨風流地——

——遊寓人 李白憶襄陽舊游詩開窗碧嶂滿拂鏡——

——流 又赤壁歌君去——弄澄碧鯨鯢唐突留餘跡

王維送康太守詩城下——水江邊黃鶴樓 杜甫

雷詩巫峽中宵動——十月雷 又秋日夔府詠懷詩

峽束——起巖排石樹圓 又秋興詩一卧——驚歲

晚幾回青瑣點朝班 劉長卿贈表兄郭少府詩高標

青雲器獨立——鶴 又送李校書赴東浙幕府詩蘇

蘇——外青青春草生 戴叔倫送郎士元詩黃葉蟬

吟晚——鴈送秋 周賀寄新頭陀詩青城不得師同

住坐想——憶浩然 姚合洛下夜會寄賈島詩烏府

偶為吏——長在心 方干暮冬書懷詩——孤棹迴

白閣一
鐘深

滄浪

書禹貢嶧冢導漾東流為漢又東為——之水過
三澨至於大別南入於江孟子——之水清兮

可以濯我纓——之水濁兮可以濯我足晉書應詹
傳清直之風既澆糟粕之俗猶在誠宜濯以——之流

漉以吞舟之網則幽顯明別於變時雍矣宋史蘇舜
欽傳在蘇州買水石作——亭益讀書時發憤蒹葭於歌

詩武帝內傳見海島下水經注德會水又西北五
里泉水注之又西北世謂之——溝又漢水中有洲

名——洲庾仲雍漢記謂之千齡洲非也是世俗語訛
音與字變矣避暑錄語禹貢水之正名而不可單舉

者則以水足之黑水弱水澧水之類是也非水之正名
而因以為名則以水別之——之水是也郭璞客傲

且夫窟泉之潛不思雲翬熙水之采不羨旭晞混光耀
於埃藹者亦曷願——之深秋陽之映乎張淵觀象

賦狀若渾元之未判別又似浮海而覩——楊炯青

苔賦漁夫遊兮漢川曲歌——兮濯吾足敬括豫章

賦黯彭蠡而烟垂汨——而吹發甯戚飯牛歌——

之水白石粲中有鯉魚長尺半陸機塘上行發藻玉

臺下垂影——泉李白贈劉都使詩主人若不顧明

發釣——岑參劉相公中書江山畫障詩擔錫香鑪

緇釣魚——翁杜甫同元使君春陵行色沮金印大

興含——清又奉先劉少府新畫山水障歌——水

深青溟闊歌岸側島秋毫末又狂夫詩萬里橋西一

草堂百花潭水即——戴叔倫柳花歌——渡頭柳

花發斷續因風飛不絕又春江獨釣詩荷衣塵不染

何用濯——竇羣喜家室至詩一旦悲歡見孟光十

年辛苦伴——許渾——峽詩纓帶流塵髮半霜獨

尋殘月下——溫庭筠題韋籌博士草堂詩——未

濯塵纓在野水無情處處流鄭谷別同志詩天澹——

晚風悲蘭杜秋李咸用旅館秋夕詩牢落生涯在

水鄉只思歸去泛——張喬浮汴東歸詩水近——
急山隨綠野位——司空圖揚柳枝詩數枝珍重蘸——

無限塵心暫免忙——李山甫——峽詩走轂飛蹄過此
傍幾人留意問——歐陽修——亭詩子美寄我——

——吟邀我共作——篇——有
景不可到使我東望心悠然

滄河——水經注——水又東南左會清夷
水亦謂之——也水出長亭南

滄溪——明一統志——在彰德府林縣西
北四十里經磻陽城西北入漳水

滄池——三輔黃圖——在長安城中舊圖云未央宮有——
言池水蒼色故曰——顏延之碧芙蓉頌擢

麗——飛

映雲屋

滄川——晉書曹毗傳由此言之名為寶賓福萌禍胎朝敷
榮華夕歸塵埃未若澄虛心於元圃蔭瑤林於蓬

萊絕世事而攜黃綺鼓

一一而浪龍鰓者矣

滄洲

南史袁粲傳粲負才尚氣愛好虛遠嘗作五言詩云訪跡雖中字循寄乃一一蓋其志也又張充

傳飛竿釣者濯足一一北史韋夙傳夙志尚夷簡養

高不仕明帝為詩貽之曰六爻貞遯世三辰光少微頴

陽讓逾遠一一去不歸阮籍為鄭冲勸晉王賤臨一一

一一而謝支伯登箕山以揖許由陸雲泰伯碑一一適

迹箕山辭位陳造惟安堂賦孰能名仕版而志漁樵

之往還身官箴而思一一之浩蕩謝朓出新林浦詩

既懼懷祿情復協一一趣王維詩魯連功未報且莫

蹈一一李白江上吟興酣落筆搖五嶽詩成笑傲凌

一一又同族弟叔卿燭照山水壁畫歌高堂粉壁圖

蓬瀛燭前一見一一清杜甫奉先劉少府新畫山水

障歌聞君掃却赤縣圖乘興遣畫一一趣又曲江對

酒詩吏情更覺一一遠老大悲傷未拂衣又西閣詩

媚心似江水日夜向——又江漲詩輕帆好去便吾

道付——又題元武禪師屋壁詩何年顧虎頭滿壁

畫——戴叔倫卧病詩——詩社散無夢盡明簪

劉禹錫歷陽書事詩沙浦王渾鎮——謝朓城歐陽

詹旅次舟中對月寄姜公詩中宵天色淨片月出——

方千山中言事詩阮瑤如能問寒餒風光當日入——

——司空圖攜仙籙詩應知談笑還高謝別就——贊

上仙——又有感詩功臣盡遣詞人贊不省——畫魯連

張喬郢州即事詩白雪無人唱——盡日間——又將

歸江淮詩紫陌頻來日——獨去時陸龜蒙和襲美

為新羅弘惠上人撰靈鷲山周禪師碑送歸詩春過吳

國人應寫夜讀——怪亦聽羅隱秦望山僧院詩巉

巖危岫倚——聞說秦王亦此遊靈一酬皇甫冉西

陵見寄詩寒光生極浦落日映——齊己寄鄭谷詩

上國楊花亂——荻筍深皎然湯評事衡水亭會覺

禪師詩靜對——鶴閒看古寺經趙孟頫萬柳堂詩

主人自有——趣
游女仍歌白雪詞

滄浦

范成大望海亭賦錢斜暉
於孤嶂候佳月於——

滄澣

盧枏嘉禾樓賦擘清飈以
遠遊兮啞——而搏崑崙

滄溟

齊書樂志北化陵河塞南威越——武帝內傳
諸仙玉女聚居——其名難測其實分明梁簡

文帝昭明太子集序嵩霍之峻無以方其高——之深
不能比其大王世貞李于鱗先生傳李于鱗者諱攀

龍其家近東海因自號——云當其業成時海內學士
大夫無不知有——先生者而自其六七友人居恒相

字之故其為于鱗獨著趙昂浮萍賦入門自媚穠李
徒矜其妖艷取足為樂行潦豈小於——曹組艮嶽

賦東有泰山甲於區宇下臨——旁跨齊魯宗欽贈
高允詩鬼峩峩恒嶺滉漾——山挺其和水燿其精啟茲

令族應期誕生華冠衆彥偉邁羣英董思恭詠露詩
晞陽一灑惠方願益——李白鳴皋歌霜崖縞皓以

合沓兮若長風扇海湧——之波濤又上李邕詩大

鵬一日同風起搏搖直上九萬里假令風歇時下來猶

能簸却——水王昌齡宿灊上寄侍御璵弟詩知我

——心脫畧腐儒輩高適詩膠東連即墨萊水入——

——本參詩建業控京口金陵款——杜甫贈翰林

張四學士詩翰林逼華蓋鯨力破——又橋陵詩何

當擺俗累浩蕩乘——錢起詩興中尋白雪夢裏過

——李益送歸中丞使新羅詩——無舊路何處問

前期劉禹錫詩浮杯萬里過——徧禮名山適舊扁

元稹俠客行見海鯨下趙嘏獻李相公詩萬里有

雲歸碧落百川無浪到——方干于秀才小池詩纔

見規模識方寸知君立意象——羅隱子規詩一種

有冤猶可報不如銜石壘——無可書事寄萬年厲

員外詩紫禁黃山遠——素澹通蘇軾食蜜漬荔枝

詩欲就左慈求拄杖

且隨李白跨——

滄流

李白江夏贈韋南陵水詩不然鳴笳按鼓戲——
呼取江南女兒歌擢謳 儲光義同諸公秋日遊

昆明池思古詩迴塘清——大曜懸金暉 皎然送
陸侍御士佳赴上京詩清路黃塵飛大河——靜

滄波

文心雕龍凡操千曲而後曉聲觀千仞而後識器
故圓照之象務先博觀閱喬岳以形培塿酌——

以喻畝澮無私於輕重不偏於憎愛然後能平理若衡
照辭如鏡矣 李華含元殿賦巍兮我我巨鰲戴仙山

而出——

李頎送劉主簿歸金壇詩宦遊鄰故國歸

夢是——

又別梁鎰詩去去——勿復陳五湖三江

愁殺人

李白古風昭昭嚴子陵垂釣——間戴叔

倫九日送洛陽李丞之任詩獨恨——侶秋來別故人

盧綸送吉中孚校書歸楚州舊山詩藉芳臨紫陌回

首憶—— 劉禹錫松江送處州奚使君詩吳越古今

路——朝夕流 顏萱送圓載上人詩
師來——一世恣經行却泛——問去程

滄瀾

晉書曹毗傳蘭生幽澗玉輝千仞故子州浮——而龍蟠吳季忽萬乘以解印虞公潛崇巖以頤神

梁生適南越以保慎固能全真養和
夷跡洞庭陵冬揚芳披雪獨振也

滄桑

夏方慶謝真人仙駕還舊山
詩——今已變蘿蔓尚堪攀

滄州

隋書地理志渤海郡大業二年為——唐書地理志——景城郡本渤海郡治清池武德元年徙

治饒安六年徙治胡蘇貞觀元年復治清池 又李翱
傳柏耆使——翱盛言其才耆得罪由是左遷少府少

監 又薛大鼎傳遷洛州刺史累徙——無隸渠久廢
塞大鼎浚治屬之海商賈流行里民歌曰新溝通舟楫

利屬滄海魚鹽至昔徙行令騁駟美哉薛公德滂被
元史地理志河間路——唐改景城郡仍為——金升

臨海軍復
為一一

滄冀

魏書刁整傳普泰初假征東大將軍
一一瀛三州刺史大都督將軍如前

滄景

唐書方鎮表貞元三年置橫海軍節度使領一一
二州治滄州又裴度傳初蔡平王承宗懼度遣

辯士柏耆脅說乃獻德棣二州納質子又諭程權入覲
始判一一德棣為一鎮韓愈送鄭尚書序鄭公嘗以

節鎮襄陽入帥一一德棣歷河南
尹華州刺史皆有功德可稱道

滄德

唐書方鎮表上元元年置淄沂節度使領淄沂一
一棣五州治沂州廣德元年一一二州隸魏博節

度又王智興傳李同捷以一一叛智興請悉師三萬
齎五月糧討賊詔拜檢校司徒同中書門下平章事一

一行營招撫使既戰降其將十輩銳士
三千遂拔棣州諸將聞戰愈力遂有功

滄博

史記蘇秦傳河北不帥所以備燕也
注正義曰謂一一等州在漯河之北

滄瀛

魏書高樹生傳太昌初追贈使持節都督冀州
殷定六州諸軍事大將軍太師錄尚書事冀州

刺史

沈炯賦千仞之阜倏似一一李白詩拾罪驚

風俗

流芳播一一呂牧涇渭揚清濁詩合流知禹力

同共

到一一李祁詩短策未

客歸

故里片帆只欲駕一一

滄清

元史百官志大都河間等路都轉運鹽使司國初
立河間稅課達魯花河一一鹽使所後初立運司

立提

舉鹽權所又改為河間路課程所提舉一一
課鹽使所中統三年成都提領拘推一一課鹽所

瀛

瀛山

名山記一一在重慶府城南崖壁峭拔有四十
面四時青翠有類蓬瀛唐貞觀置一一縣以此

瀛嶼

周密故都宮殿記——在孤山之椒舊名涼堂四壁蕭照畫山水

瀛碣

任昉登景陽山詩別澗宛滄溟疏山駕——

瀛海

張協雜詩人生——內忽如鳥過目元好問橫波亭為青口帥賦詩見山丘下

瀛渤

沈約却出東西門行清氛掩行夢憂原盪——

瀛洲

史記封禪書見渤海下漢書郊祀志作建章宮度為千門萬戶其北治大池漸臺高二十餘丈名

曰泰液池中有蓬萊方丈——壺梁象海中神山龜魚之屬大業雜記見山高下曹植辨道論見海島下

王績遊仙詩維氏還程促——會日長綦母潛題

沈東美員外山池詩仙郎偏好道鑿沼象——李白

宮中行樂詞鶯歌聞太液鳳吹遶——又

贈瑕丘王少府詩毫揮魯邑訟目送——雲

瀛府

碧雞漫志霓裳羽衣曲說者多異歐陽永叔云人間有——獻仙音二曲此其遺聲——屬黃鐘宮

獻仙

音小石調了不相干永叔知霓裳羽衣為法曲而——獻仙音為法曲中遺聲令合兩宮調為霓裳羽衣

一曲遺聲

亦太疏矣

瀛州

史記夏本紀至於衡漳注衡漳水在——東北百二十五里平舒縣界賈島詩莫話——路多年

別少

君

瀛縣

謝莊文雪怨圍色掃恥——

瀛臺

李成康王華仙子歌溶溶紫庭步渺渺——路

瀛閬

陸龜蒙詩何由振玉衣一舉棲——

瀛表

無名氏述聖賦流惠澤
於一一被仁風於區外

潢

潢水

遼史太祖紀東際海南暨白檀西踰松漠北抵一
凡五部咸入版籍明一統志一一在汝寧府

光州源出黃土白沙兩關之間東流至州南抱城而東
與淮水合流歐陽修詩紫貂裘暖朔風驚一一冰光

射日
明

潢河

遼史太祖紀鑿金河水取烏山石輦致
一一木葉山以示山川朝海宗岳之意

潢池

漢書龔遂傳宣帝即位久之渤海左右郡歲饑盜
賊並起二千石不能禽制上選能治者丞相御史

舉遂可用上召為渤海太守時遂年七十餘召見形貌
短小宣帝望見不副所聞心內輕焉謂遂曰渤海廢亂

朕甚憂之君欲何以息其盜賊以稱朕意遂對曰海濱
遐遠而需聖化其民困於饑寒而吏不恤故使陛下赤
子盜弄陛下之兵於一一中耳今欲使臣勝之邪將安
之也上聞遂對甚說江克寬三友堂賦雖韜采乎丘
園猶映照於一一

潢汙

左傳苟有明信澗谿沼沚之毛蘋蘩蕓藻之菜筐
筥錡釜之器一一行潦之水可薦於鬼神可羞於

王公而況君子結二國之信行之以禮又焉用質抱
朴子汎滄溟者豈暇逍遙於一一班固答賓戲應龍

潛於一一魚鰲媒之揚炯青苔賦皓兮蕩兮見一一

之滿庭條兮忽兮視苔蘚之青青劉禹錫訓皇甫少

尹暮秋久雨喜晴詩掃開雲霧呈光景流盡一一見路
岐又作滂漢書食貨志民若匱王用將有所乏乏將

厚取於民民不給將有遠志是離民也且

絕民用以實王府猶塞川原為一一也

潢洋

道德指歸論正言若友明而
若昏遠遠——莫之能聞

潢漠

道德指歸論汎遙——遠遠
留遲密察無間與物推移

潢潦

——劉長卿送元八遊汝南詩
——令正深陂湖未澄碧

潢潏

湯顯祖豫章攬秀樓賦戒驕
譁於水次妥積層於——

瀆

瀆水

南史郭原平傳以種瓜為業大明七年大旱瓜瀆
不復通船縣令劉僧秀愍其窮老下——與之原

平日普天大旱百姓俱困豈可減溉田之水
以通運瓜之船乃步從他道往錢塘貨賣

瀆谷

水經河水注又合一水
謂之——水南出近溪

瀆山

史記封禪書見岳山下漢書郊祀志一一蜀之岷山也

瀆汙

闕氏易傳接物者言接之而已非同之也故洗濯物心無所一一謂之洗心

湖

湖水

吳志諸葛恪傳初權黃龍元年遷都建業二年築東興隄遏一一後征淮南敗以內船由是廢不復

脩恪以建興元年十月會衆於東興更作大隄左右結山夾築兩城各留千人使全端留畧守之引軍而還

宋書符瑞志元嘉二十五年廣陵有龍自一一中升天百姓皆見齊書祥瑞志建元元年郢州監利縣天井

一一色忽澄清出綿百姓採以為纊宋史河渠志杭之為州本江海故地水泉鹹苦居民零落自唐李泌始

引一一作六井然後民足於水井邑日富百萬生聚待此而食元史河渠志宋時專設人夫以時脩濬練湖

蓄蓄潦水若運河淺阻開放——一寸則可漆河一尺
近年淤淺舟楫不通凡有官物差民運遞甚為不便
孟浩然詩八月——平涵虛混太清戴叔倫送獨孤
慍還京詩——兩重山萬里定知行盡到京師元稹
岳陽樓詩悵望殘春萬般意滿櫺——入西江喻鳧
早秋寺居訓張侍御詩見嶽磬下羅隱寄揚秘書詩
——平來見鯉魚偶因烹處得瓊琚鄭谷寄題方干
處士詩見山雪下來鵲寒食山館書情詩分明記得
還家夢徐孺宅前——東陳羽詩秋山隔岸清猿叫
——當門白鳥飛郭鈺和袁方茂才秋夜宴集詩月
明——龍吟細雲度吳山鴈到稀倪瓚寄顧仲瑛詩
衰柳半歌——碧濁醪猶趁菊花黃又山海經鼇山
——出焉東流注於食水水經注——出桃林塞之
夸父山廣員三百仞武王放馬華陽散牛挑林即此處
也明一統志——在河南府陝州
廢湖城西門外源出泰山北流入河

湖海

魏志陳登傳許汜與劉備並在荊州牧劉表坐表與備共論天下人汜曰陳元龍——之士豪氣不

除齊書王敬則傳會土邊帶——民丁無士庶皆保

塘役敬則以功力有餘悉評斂為錢送臺庫以為便宜

上許之宋史畢士安傳吳越錢俶納土選知台州言

錢氏上圖籍有司皆張侈賦數令——新民始得天子

命吏宜有安輯願一用舊籍詔從之入蘇雲卿傳見

山潛下元史天文志庫哩頁埒森噶扎爾漢言地理志也

其制以木為圓毬七分為水其色綠三分為土地其色

白畫江河——脉絡貫串於其中畫作小方井以計幅

幘之廣袤道路之遠近海山記帝遊——回多宿十

六院明一統志江寧府形勝外連江淮內控——

韋應物登重元寺閣詩山川表明麗——吞大荒 戴

叔倫哭朱放詩幾年——挹餘芳豈料蘭摧一夜霜

皮日休釣車詩得樂——志不厭華輶小

湖江

韓愈黃陵廟碑二妃既日以謀語舜脫舜之厄成舜之聖堯死而舜有天下為天子二妃之力宜常

為神食民之祭令之渡一者莫敢不進禮廟下揚維楨送謝太守詩見海岳下

湖湘

宋史藝文志曹行一一馬氏故事二十卷元史成宗紀御史臺臣言往南宋時行兩稅法自阿爾

哈雅改為門攤增課錢至五萬錠今宣慰張國紀請復科夏稅與門攤併徵以圖陞進一一重罹其害帝命中

書趣罷之

馬令南唐嗣主書見湘衡下

明一統志

郴州形勝控扼交廣襟帶一一

宋丘翔蒼梧賦唇齒

喉五羊

湖池

後漢書劉元傳時王匡張卬守河東為鄧禹所破還奔長安卬與諸將議曰赤眉近在鄭華陰間旦

暮且至令獨有長安見滅不久不如勒兵城中以自富轉攻所在東歸南陽收宛王等兵事若不集復入一一

中為盜耳申屠建廖湛等皆以為然共入說更始更始怒不應莫敢復言鹽鐵論食——管山海藟莢者不

能與之爭澤商賈不能與之爭利又明一統志——在邛州邛縣治東五代時蜀孟昶所鑿

湖塘

宋史食貨志大理寺丞張抑言陂澤——水則資之澮洩旱則資之灌溉近者浙西豪宗每遇旱歲

占湖為田築為長堤中植榆柳外捍芟蘆於是舊為田者始隔水之出入蘇湖常秀昔有水患今多旱災蓋出

於此

又河渠志比因豪民於——淺岸漸次包占種

植菱荷障塞湖水紹興十八年雖曾檢舉約束盡罷請

佃歲久菱根蔓延滲塞水脉致妨蓄水明一統志——在桂林府城北十五里上下兩塘相通濶百餘畝深

十餘丈冬夏不

涸灌溉甚廣

湖溪

明一統志巖坑山在浦江縣西北五十里上有水二派東曰巖坑北曰——又——在浦江縣北

二十里源出巖坑山北流
抵富陽縣以達於錢塘江

湖沼

江淹青苔賦其在水則鏡帶
錦西池林春塘秀色陽鳥好音

湖溝

水經注見石磧下又續齊諧記錢塘徐秋夫善
治病在——橋東夜聞空中呻吟聲甚苦秋夫起

至呻吟處問曰汝是鬼邪何為如此饑寒須衣食抱病
須治療邪鬼曰我是東陽人姓斯名僧平昔為樂遊吏
患腰痛死今在湖北雖為鬼苦亦如生為君善醫故來
相告秋夫曰但汝無形何由治鬼曰但縛茅作人按穴
鍼之訖棄流水中可也秋夫作茅人為鍼腰目二處并
復薄祭遣人送後湖中及暝夢鬼曰已差并承惠食感

君厚

意

湖浦

水經注浙江又東北入富陽縣故富春
也晉后名春改曰富陽東分為——

湖灘

杜甫宴忠州使君姪宅詩
自須遊阮巷不是怕一一

湖澤

後漢書劉祐傳時中常侍蘇康管霸用事於內遂
固天下良田美業山林一一民庶窮困州郡累氣

祐移書所在依科品沒入之晉書毛璩傳海陵縣界

地名青蒲四面一一皆是菰葑逃亡所聚威令不能及

璩率千人討之時大旱因放火菰
葑盡然亡戶窘迫悉出詣璩自首

湖沙

崔國輔題豫章館詩驛
前蒼石沒浦外一一細

湖波

王休清清堂賦見山隴下崔國輔石頭灘詩離
離樹木小潚潚一一大白居易夜送孟司功詩

一一翻似箭霜草殺如刀方干贈鄭居表明府詩雨

後卷簾看越嶺更深歌枕聽一一黃滔送陳明府歸

衡陽詩久別一一

綠相思嶽月圓

湖泥

揚維禎湖上感事詩湖水明於鏡——濁似涇

湖渾

阮瑀為曹公作書與孫權書往年在譙新造舟船取足自載以並九江貴欲觀——之形定江濱之

民耳非有深入攻戰之計也

湖瀆

晉書袁帝紀興寧元年四月甲戌揚州地震——溢

湖潭

蘇軾東湖詩不謂郡城東數步見——

湖源

齊書王敬則傳令郡通課此直悉以還臺租賦之外更生一調致令塘路崩蕪——泄散害民損政

實此為劇

湖濱

唐彥謙詩移席臨——對此有佳趣

湖泓

蘇軾詩下馬荒堤
上四顧但一一

湖灤

宋史河渠志
見涇浜下

湖汭

宋史李若谷傳知宜興縣官市一一茶歲約戶稅
為多少率取足貧下若谷始置籍備勾檢茶惡者

舊沒官若谷使歸之
民許轉貿以償其數

湖泖

何允泓詠懷詩具區
東南注結靈在一一

湖泊

元史世祖紀庚寅詔諭湖東西江東西淮東西湖
南北府州軍縣官吏軍民其田租商稅茶鹽酒醋

金銀鐵冶竹貨

一一課程從實辦之凡故宋繁冗
科差聖節上供經總制錢等百餘件悉除免之

湖闕

史記范雎傳王稽辭魏去過載范雎入秦至一一
望見車騎從西來范雎曰彼來者為誰王稽曰秦

相讓侯東行縣邑 宋書柳元景傳時軍中食盡元
景回據白楊嶺賊定未至更下山進弘農入——口

湖里 越絕書吳市者春申君所造闕兩城以
為市在——又水經注見山嶺下

湖路 許崇詩海石分——
——風泉遞雨聲

湖都 漢書趙廣漢傳廣漢嘗記召——亭長——亭長
西至界上界上亭長戲曰至府為我多謝問趙君

亭長既至廣漢與語問事畢謂曰界上亭長寄聲謝我
何以不為致問亭長叩頭服實有之廣漢因曰還為吾
謝界上亭長勉思職事有
——自效京兆不忘鄉厚意

湖城 晉書外戚傳悼后遇雲林之災愍懷濫——之酷
宋書王鎮惡傳鎮惡既得義租紹又病死偽撫

軍姚讚代紹守險衆力猶盛高祖至——讚引退大軍
次潼關謀進取之計 唐書五行志光啟二年正月闕

鄉——野雉
及鳶夜鳴

湖州

周書武帝紀見潁州下 元史地理志——路唐改吳興郡又改——宋改安吉州至元十三年升

——路戶二十五萬四千三百四十五 又河渠志至治三年江浙省臣方以為言就委嘉興路治中高朝列

——路知事丁將仕同本處正官體完舊曾疏濬通海故道及新生沙漲礙水處所商度開濬 宣和書譜顏

真卿有——帖 明一統志——故為防風氏之國隋

初以其地屬蘇杭二州仁壽初置——取太湖為名大

業初州廢唐復於烏程置——天寶初改吳興郡乾元

初復為——周朴董嶺水詩——安吉縣門與白雲

齊

湖縣

水經河水又東逕——故城北 注湖水出桃林塞之夸父山

廣

元史地理志見嶺北下又一等處行中書省為路三十州十三府三安撫司十五軍三屬府三

屬州十七屬縣一百五十管番民總管一又常建湖

中晚霽詩一一舟自輕江天欲澄霽戴良遊東湖詩

漾舟疑港斷

進帆覺一一

湖襄

宋史食貨志見淮蜀下

湖蜀

本草注見山礬下

湖常

韓愈路公神道碑銘李錡將反以聞置鄉兵萬二千人錡反命將期以卒救一一坐牢江東心錡以

無助
敗縛

湖熟

後漢書郡國志丹陽郡一一侯國宋書文帝紀永初二十二年冬十月起一一廢田千頃又王

素傳州韶字伯和黃門侍郎文孫也築室——之方山
徵員外散騎侍郎征北行參軍不起王羲之——帖

吾——縣須水田鄉都可遣儼之墓不知處
去年儼之者似是俞進可問之鄉不出停此

湖曹 唐書崔元亮傳歷——
——二州辭曹不拜

湖埭 陸游埭北詩烟村——
——北魚市廟孺東

湖舒 宋史胥偃傳授大理
評事通判——二州

湖陝 宋書王鎮惡傳王師西伐有事中原長
驅洛陽肅清——入渭之捷指麾無前

湖梓 宋史潘慎脩傳通判壽州
知開封縣又知——二州

湖萊 徐陵河東康簡王墓誌武羌拒旅亭障遷
移漠草非長廣之東——近荆門之北

湖陽

漢書地理志南陽郡縣一宋書沈慶之傳雖州刺史劉道產卒羣蠻大動征西司馬朱修之討

蠻失利以慶之為建威將軍率眾助修之修之失律下

獄慶之專軍進討大破緣沔諸蠻禽生口七千人進征

一又獲萬餘口齊書張敬兒傳擊一一蠻官軍引

退蠻賊追者數千人敬兒單馬在後衝突賊軍數十合

殺數十人箭中左腋賊不能抗元史百官志見汝濟

下明一統志一一城在南陽府唐縣南故廖國也

又一一橋在河南府閩鄉縣西門外湖水濱庾信謝

滕王集序啟一一之尉既成為喜之因春陵之侯便是

之地積慶

湖陰

晉書明帝紀敦將舉兵內向帝密知之乃乘巴滇

駿馬微行至於一一察敦營壘而出宋史蘇軾

傳軾卒於常州過墓軾汝州郟城小我嶺山遂家潁昌

營一一水竹數畝名曰小斜川自號斜川居士王逵

題烈女廟詩
見江竹下

湖白

宋書鄧琬傳沖之等於一一口築二城為軍主張興世所拔陶亮聞一一二城陷沒大懼急呼沖之

還鵲

尾留薛常寶代沖之守赭圻齊書周山圖傳泰始初為殿中將軍四方反叛僕射王彧舉山圖將領呼

與語

甚悅使領百舸為前驅舉軍主倭長生等攻破賊一一赭圻二城

湖陸

後漢書郡國志山陽郡一一故湖陵章帝更名宋書垣護之傳孝建元年南郡王義宣反兖州刺

史徐

遺寶護之妻弟也遠相結連與護之書勸使同送護之馳使以聞遺寶時戍一一護之留子恭祖守歷城

自率

步騎襲遺寶水經泗水又屈東南過一一縣南洧滑水從東北來流注之又見泗水下

湖陵

漢書地理志盧江郡縣一一邑又山陽郡縣一一明一統志一一城在兗州府魚臺縣東六十

里漢沛公攻

一一即此

湖谷

宋史張齊賢傳是時遼兵自一一入寇薄城下神衛都校馬正以所部列南門外衆寡不敵副部署

盧漢賢畏懦保壁自固齊賢選廂軍二千出正之右誓

衆慷慨一以當百遼兵遂却薛季宣停舟樊港訪退

谷詩他時賦歸

一一定吾受

湖口

宋書張興世傳太宗即位四方反叛進興世號龍驤將軍領水軍距南賊於赭圻築二城於一一

元史世祖紀宋將高世傑復據岳州世傑會郢復岳三

州及上流諸軍戰船數千艘兵數萬人扼荆江口壬辰

阿爾哈雅以軍屯於東崖世傑夜半遁去黎明至洞庭

一一兵船成列而陣阿爾哈雅督諸翼萬戶及水軍張

崇實解汝揖等逐世傑於一一之夾灘遣郎中張鼎召

世傑世傑降水經江水左得一一水通太湖明一

統志一縣在九
江府城東六十里

湖耳

明一統志一長官司在
黎平府城北一百三十里

湖岸

元史河渠志崇明州知州任奉政鎮江路總管毛
中議等議練湖運河此非一事宜依假山諸湖農

民取泥之法用船千艘船三人用竹篙撈取淤泥日可
三載月計九萬載三月之間通取二十七萬載就用所

取泥增築

一元結詩一一多歌石石下流寒泉

盧綸和趙端公九日登石亭上和州家兄詩採花一一

菊望國舊樓人

白居易詩半醉閑行一一東馬鞭敲

銓轡瓏璵

姚鵠送石貫歸湖州詩見海山下馬戴

送狄參軍赴杭州詩見海門下皮日休種魚詩移土

一一半和魚子羅隱秋居有寄詩端居一一東

生計有無中黃滔題王侍御宅內亭子詩見嶽樓下

皎然古別離身去兮天畔心折兮一一林逋湖上

初春詩春色半歸——柳人家多上郭
門船 馬祖常題惠崇畫詩見江天下

湖堤 蘇轍宛丘詩早——上柳
空多倚岸輕舟奈汝何

湖畔 章孝標西山廣福院詩日斜登望處——一僧歸
李羣玉長沙春望寄峯陽故人詩——春山烟

黯黯雲中遠樹墨離離 張喬題湖上友人居詩豈得
戀漁漁全家——居 杜荀鶴浙中逢詩友詩詩中難

得友——喜逢君 周瑒潘司馬
別業詩——聞漁唱天邊數雁行

湖田 鄭巢送人南遊詩雁行迴曉岫蜃色上——唐
彥謙蟹詩——十月清霜墮晚稻初香蟹如虎

杜荀鶴辭楊柳詩霜鳥樹凋
猿叫夜——穀熟雁來時

湖陂 唐書于頔傳為湖州刺史部有——異時溉田三
千頃久廢廢頔行縣命修復隄閘歲獲杭蒲魚

無慮
萬計

湖橋

明一號志一一在河南府閩鄉縣西門外湖水濱又一一一在漢中府洋縣舊郡之園

湖山

宋史藝文志吳芾一一遺老傳一卷又揚存中傳見水月下明一統志一一在濟南府章丘縣

南五十里

又一一一在潮州府治西上有寺觀錯立前

連鱣溪後接鳳山為一郡觀覽之勝

又一一一書院在

興化府鳳凰山麓梁時邑儒鄭露居此

又一一一樓在

饒州府樂平縣東五十里瞰湖負山

又一一一堂在鞏

昌府成縣裴公湖錦堤上唐建亭

又一一一千里亭在南

昌府城望雲門外俗呼為一一亭朱元薦憶庾嶺梅

花賦水影橫動月香暗浮又如逋仙一一勝游丁持

尊經閣賦見江天下岑參送四鎮薛侍御東歸詩夢

去一一閣書停隴雁稀戴叔倫題橫山寺詩偶入橫

山寺一一景最幽元稹酬鄭從事四年九月宴望海

亭詩——四面爭氣色曠望不與人間同李羣玉湖

閣曉晴寄呈從翁詩見湘雁下杜牧江樓晚望詩——

——翠欲結蒙籠汗漫誰遊夕照中方干贈鏡公詩高

風吹越樹細露濕——翁洮贈方干詩城頭鼙鼓三

聲曉島外——一簇春張蠩贈可倫上人詩見海甸

下許彬同友人會裴明府縣樓詩——萬疊翠汀樹

一行春皎然同裴錄事樓上望詩退食高樓上——

向晚晴趙孟頫和姚子敬秋懷詩烟花樓閣西風裏

錦繡——落照中又登飛英塔詩

千里——秋色淨萬家烟火夕陽多

湖嶺韓儀授成汭郡王制蔓連——輻輳梯航杜牧

賀表令擒鄧裴一清——李商隱獻河東公啓

契闊——淒涼路歧罕遇心知多逢皮相蘇軾

贈雲秀詩道人偶愛山水故縱步不知——深

湖嶠唐書劉晏傳京師鹽暴貴詔取三萬斛以贍關中

自揚州四旬至都人以為神至——荒險處所出

貨皆賤弱不償所轉晏悉儲淮楚
間買銅易薪炭鑄緡錢十餘萬

湖趺

明一統志——山在湖州府城東南二十五里漢
薊子訓隱於餘不鄉卒塋於此山側有湖廣二百

項名

湖岡

明一統志——山在袁州府城南十五里亦名——
臺晉鄧表家於此山有煉丹臺養丹池朝斗石

湖石

圖繪寶鑑刀光慶善畫——花竹猫兔鳥
雀之類 宣和畫譜崔白——風牡丹一

湖南

宋史藝文志劉恕——故事十三卷 元史世祖
紀以閩閩出率其部下軍千人及親附軍五百聽

阿刺海牙節制凡——州縣及瀕水之民有來附者俾
閩閩出統之拒敵不降者就為招集 又地理志天臨

路唐為潭州長沙郡宋為——安撫司元至元十三年
立安撫司十四年立行省改潭州路總管府十三年遷

行省於鄂州徙——道宣慰司治潭州天歷二年以潛
邸所幸改天臨路韓愈送何堅序堅道州人道之守

陽公賢也道有——為屬州——楊公又賢也堅為民
堅又賢也——得道為屬道得堅為民堅歸唱其州之

父老子弟服陽公之令道亦唱其縣與其比州服揚公
之令李嘉祐送嚴員外詩見江上下元稹送王十

一南行詩萬里——月三聲山上猿皎然舟行懷閩
士和詩二月——春草徧橫山渡口范如霽揚維禎

送費夢臣北上并簡十八丈詩為
問——名奉使綠衣驄馬正風流

湖北齊書裴皇后傳車駕數幸琅邪城宮人常從早發
至——埭鷄始鳴宋史食貨志皇祐五年詔曰

比者——歲儉發常平以濟饑者如聞司農寺復督取
豈朝廷振恤意哉其悉除之元史百官志江南諸道

行御史臺設官品秩同內臺至元十四年始置江南行
御史臺於揚州尋徙杭州又徙江州二十三年遷於建

康以監臨東南諸省統制各道憲司而總諸內臺初置
大夫中丞侍御史治書侍御史各一員統淮東淮西一

一 浙東浙西江東江西湖南八道提刑按察司十五年
增江南一嶺南廣西福建廣東三道二十三年以淮

東淮西山南三道撥隸內臺三十年增海北海南一道
大德元年定為江南諸道行御史臺設官九員以監江

浙江西湖廣三省統江東江西浙東浙西湖南一廣
東廣西福建海南十道方干一有茅齋湖西有松

島輕棹往返頗諧素心因成四韻詩一湖西往復還
朝昏只處自由間蘇軾與子由同遊寒溪西山詩散

人出入無町畦朝游一暮淮西黃
庭堅題畫詩一山無地河南水徹天

湖東 元史世祖紀見江岸下皮日休縹
緲峰詩一陣駿隸氣隱隱生一一

湖西 溫庭筠晚歸
曲見山淺下

湖上

戴叔倫麓山寺會送尹秀才詩——逢君亦不開
暫將離別到深山 盧綸送吉中孚校書歸楚州

舊山詩並撰——

遊連檣月中泊 劉禹錫和重題詩

林端落照盡——

遠嵐清 皮日休 臘後送內大德從

鼎遊天台詩霜中一鉢無辭乞——

孤舟不廢禪 皎

然送維諒上人歸洞庭詩從來——

勝人間遠愛浮雲

獨自還——

又冬日遙和盧使君幼平茶母居士遊法華

寺高頂臨湖亭詩城中歸路遠——

碧山重 護國題

王班水亭詩——

見秋色曠然如爾

懷

揚維禎寄張伯雨詩見山中下

湖中

吳志孫琳傳注亮召全尚息黃門侍郎紀密謀曰

孫琳專勢輕小於孤孤見勅之使速上岸為唐咨

等作援而留——

不上岸一步又委罪朱異擅殺功臣

不先表聞築第橋南不復朝見此為自任無復所畏不

可久忍今規取之

晉書甘卓傳襄陽太守周憲等密

承敦意知卓無備詐言——

多魚勸卓遣左右皆捕魚

乃襲害卓於寢傳首於敷 宋史岳飛傳賊黨黃佐曰
岳節使號令如山若與之敵萬無生理不如往降節使
誠信必善遇我遂降飛表授武義大夫單騎按其部拊
佐背曰子知逆順者果能立功封侯豈足道欲復遣子
至——視其可乘者擒之可勸者招之如何佐感泣誓
以死報 謝靈運遊名山志從臨江樓步路南上二里
餘左望——右傍長江 皮日休雨中遊
包山精舍詩翼嬰林上雨隱隱——雷

湖外

宋史趙昌言傳昌言喜推獎後進掌漕——時李
沆通判潭州昌言謂有台輔之量表聞於朝王旦

宰岳州

平江昌言一見識其遠大以女妻
之後皆為賢相 杜甫晴詩見海東下

湖左

李華送薛九序薛都卿以夷澹養素以文章
導志自浙右游——一句一韻過於衣冠

湖右

明一統志衡州府
形勝——奧區

湖後

皮日休和魯望曉起迴文詩——
釣筒移夜雨竹傍眠几側晨風

湖邊

宋書符瑞志吳郡臨平湖——旦自開——得石函
中有小青石刻作皇帝字舊言臨平湖塞天下亂

開則

天下太平吳人以為美祥俄而吳滅後元帝興於

江左

杜甫陪李尚書李中丞過鄭監湖亭泛舟詩海

內文章

伯——意緒多鄭谷鷓鴣詩雨昏青草——

過花

落黃陵廟裏啼司空圖南北史感遇詩景陽樓

下花

鈿鏡元武——錦繡旗羅隱暇日有寄姑蘇曹

使君

詩——觀稼雨迎馬城外犒軍風滿旗方干登

龍瑞

觀北巖詩見嶺頂下又相廬謝逸人江居詩見

石上

下元淮蘇堤秋宴詩波底畫橋天上動——珠

翠鏡

中行

湖旁

明一統志
見澱山下

湖面

元史史天澤傳師次復州宋兵以舟三千鎖一
為柵天澤親執桴鼓督勇士四十人攻其柵不踰

時柵

破復人懼請降元稹送王協律遊抗越詩見海

潮下

李紳憶東湖詩霞散浦邊雲錦截月昇一一鏡

波開

孔武仲登涵暉亭詩州城斜引羣峰小一一平

谷數

驛寬韓維詩一一波清渾見底樓頭山碧自生

烟

范成大詩坐聽一篙珠玉碎不知一一

已成

冰陸游詩荷空一一闊葉脫樹技勁

湖頭

齊書沈文季傳王敬則反詔文季領兵屯一一備
京路又崔慧景傳臺遣中領軍王瑩都督衆軍

據

一一築壘上帶蔣山西巖實甲數萬元史世祖紀

一一

賊張治罔掠泉州趙奕西湖竹枝辭一一日日

水光

波兩兩

吳娃

打漿過

湖心

豫章古今記見石堆下明一統志一一寺在寧
波府月湖中劉禹錫洞庭秋月行洞庭秋月生

山詩影寒已令水底去脚闊欲過——來

湖底 酉陽雜俎韋琳組表云臣美愧夏鱣味慚冬鯉漱流——枕石泥中白居易太湖石記或委海隅

或淪——高者僅數仞重者殆千鈞周賀寄新頭陀詩遠洞省穿——過斷崖曾向壁中禪

湖尾 蘇軾詩海門浸坤軸——抱雲巖

湖側 宋史王濟傳郡城西有錢塘湖溉田千餘頃歲久湮塞濟命工濬治增置斗門以備潰溢之患仍以

白居易舊記刻石

湖曲 袁士元用呂晉齋和鄭以文望霞嶼寺韻詩倚杖立——夕陽明遠嶼

湖色 儲光義詩荷香隨坐卧——映晨昏劉長卿詩露沾——曉月照海門秋元稹重誇州宅旦暮

景色詩人聲曉動千門闌——宵涵萬象虛姚合送
貞實歸天竺詩林外猿聲連院磬月中——到禪牀
杜荀鶴秋日閑居寄先達詩風驅早雁銜——雨控殘
蟬點柳枝揚維禎送客洞庭西詩春隨——深風將
潮聲長

湖纈芍藥譜紅色深
淺相雜類——

湖紋蘇軾九月十五日觀月聽琴西湖一首
示坐客詩尚恨琴有絃出魚亂——

湖光明一統志——巖在雷州府遂溪縣東南七十里
一名陷湖又——亭在淮安府城門外放生池

上陳普蓮花賦炎風烜燠畏景朱明——澄練池館
風生張子容自樂城赴永嘉枉路泛白湖詩樹色烟

輕重——風動搖崔護三月五日陪裴大夫泛長沙
東湖詩——迷翡翠草色醉蜻蜓劉長卿東湖送朱

逸人歸詩山色——併在東扁舟歸去有樵風 劉禹

錫望洞庭詩——秋月兩相和潭面無風鏡未磨 元

稹春辭見山翠下 李紳東武亭詩綠波春水——滿

丹檻連楹碧嶂遙 皮日休寄懷南陽潤卿詩無事只

陪看藕樣有錢唯欲買——杜荀鶴秋日湖外書事

詩三秋客路——外萬里鄉關楚色東 皎然送李判

官使迴詩——引行色輕舸傍殘霞 無可中秋夜南

樓寄友人詩海月出白浪——射高樓 張昱退居湖

上投贈楊左丞詩樓外——白渺茫樓中少婦試新妝

袁桷次韻仲章舟中思南湖詩長年客影如雲度五

月——似雪飛 趙奕遊玉山佳處詩山色溟濛還淡

淡——激灩自漫漫 朱德潤俞元明參軍雪中以詩

招飲詩——萬頃送歸

掉山鳥一聲如喚人

湖灩 高啟詩興清逼林

淒 醉纈——

湖彩

皮日休詩天光潔
似唐——熟於練

湖澹

貫休贈景和尚
院詩見山晴下

湖清

李白送友人尋越中山水
——霜鏡曉濤白雪山來

湖渌

蘇軾詩竹間逢詩鳴眼色奪——
又袁公濟和劉景文登介亭詩復次韻答之詩見江白下

湖黑

高啓早過南湖詩——
月未出蒹葭露淒淒

湖異

李賀良嶽賦
見江南下

湖影

曹松岳陽晚泊詩——
撼山朵夕陽燒野愁
林逋寄清曉閣黎詩樹叢歸夕鳥——
浸寒城黃

庚臨平泊舟詩客舟繫纜柳陰旁——
侵蓮夜氣涼
倪瓚聞竹枝歌因效其聲詩澱山——
接松江橘葉青

青柿
葉黃

湖聲

元稹訓樂天雪中見寄詩坐覺
——迷遠浪回驚雲路在長途

湖派

李紳靈汜橋詩靈汜橋邊
多感傷分明——繞迴塘

湖流

李端送路司諫侍從叔赴洪州
詩猿嘯暮應愁——春好涉

湖天

圖繪寶鑑江叅形貌清臞嗜香茶以為生居雪川
深得——之景平遠曠蕩盡在方寸長於山水

劉長卿

喜晴詩——一種色林鳥百般聲皮日休秋
江曉望詩萬頃——碧一星飛鷺白孔武仲發蔡州

詩鶴歸

雲海心空在雁度——力已疲方回雪
中憶昔詩憶昔——雪最奇畫船朝出暮歸遲

湖日

杜甫送段功曹歸廣州詩
峽雲籠樹小——落船明

湖月 岑參送羽林孫將軍赴歙州詩見海雲下 陶翰
宿天竺寺詩見岑翠下 李紳靈汜橋詩岸花前

後聞幽鳥——高低怨綠楊 李羣玉

洞庭過秋詩涼波弄輕攏——生遠碧

湖雲 朱慶餘題任處士幽居詩——侵卧位杉露滴茶
牀 皮日休胥口即事詩見嶼鳥下 謝翱悼南

上人詩憶昨夜禪處——起白龍 揚維

損湖上感事詩湖水碧於天——薄似烟

湖烟 岑參青龍招提歸上人遠遊吳楚別詩見淮月下
劉禹錫吐綬鳥辭——始開山日高迎風吐綬

盤花條 法振題天長阮少府湖上客歸詩見海日下

方回登湧金門城望詩風入松詞萬口傳翻成餘恨

寄—— 楊維禎花游曲美人

盈盈烟雨裏唱徹——與湖水

湖風 杜甫九日登梓州詩見江雨下 又重
題李尚書詩江雨銘旌濕——井徑秋

湖雨

張雨詩東風勒住螭頭
舫——吹開繭栗花

湖寺

白居易詩誰開——西南路草綠
裘腰一道斜
趙師秀詩春樓卧病燕相伴——
題詩僧為吟

蘇軾

次韻述古詩雲烟——
家家鏡燈火沙河夜夜春

湖堂

湖山勝槩——
舊在聳翠樓側

湖亭

晉書吳隱之傳至自番禺其妻劉氏齋沉香一片
隱之見之遂投於——之水
朱慶餘贈韓協律

詩見嶺寺下
溫庭筠春日雨詩細雨濛濛入絳紗——
寒食孟珠家
張昱退居湖上投贈楊左丞詩芳草

到門無俗駕好
山終日在——

湖榜

孟郊送李翱習之詩——
輕裊裊酒旗高寥寥

湖船

戒菴漫筆杭州——最精妙者曰水月樓惟以供
要路之過杭者杜甫因許八奉寄江寧吳上人

詩碁局

動隨尋澗竹

袈裟憶上泛——

湖鏡

李紳望海亭
詩見海濤下

湖玉

王惲哀故宮詩石龍委地
埋秋草——臨池倚暮烟

湖樹

杜甫峽隘詩水有遠
——人今何處船

湖橘

杜甫秋日荆南送石首薛明府辭滿
告別詩應訝耽——常餐占野蔬

湖柳

張昱湖中即事詩——湖波
盡可憐不知春在阿誰邊

湖草

劉長卿九日登李明府北樓詩人烟——裏山翠
縣樓西劉禹錫訓浙東李侍郎越州春晚即事

詩見山花下、陳羽送殷華之洪
州詩還作經年別相思——生

湖蓮 陳標江南行
見江洲下

湖目 西陽雜俎——蓮子也 皮日休夏景沖澹詩天
台畫得千迴看——芳來百度遊 蘇軾詩——

也堪供眼木
奴自足為生

湖葑 方回登湧金門城望詩天迴地
轉事雲輪——山榛色漸陳

湖象 李咸用依韻修睦上人山居詩
蘭未必因香折——多應為齒焚

湖鴈 杜甫宿青草湖詩——雙雙起人來故北征 司
空圖雜題詩見嶺梅下 范梈詩登臨試與詢——

——豪傑親
曾侶海鷗

湖魚

劉禹錫歷陽書事詩——香勝肉官酒重於錫
倪瓚寄張天民詩——入饌長留客沙鳥緣階不

人畏

湖鱖

宛委餘編
見江鱖下

湖蟹

養病漫筆孝宗嘗患痢衆醫不效德壽憂之過宮
偶見小藥肆遣中使詢之曰汝能治痢否對曰專

科遂宣之至請問得病之由語以食——多故致此疾
遂令診脉曰此冷痢也其法用新米藕節細研以熱酒
調服如其法杵細酒調數服即愈德壽大喜就以杵藥
金杵白賜之至今呼為金杵白嚴防禦家可謂不世之
遇

湖神

虞喜志林洞庭——過
客祈禱必驗分風送船

湖寇

宋史張浚傳時巨寇楊么據洞庭屢攻不克浚以建康東南都會而洞庭據上流恐滋蔓為害請因

盛夏乘其怠討之具奏請行至醴陵釋邑囚數百皆楊么謀者給以文書俾招諭諸砦因驩呼而往至潭賊衆

二十餘萬相繼來降一一盡平

湖兵

元史河渠志參政董中奉又言練湖舊有一一四十三人添補五十七名共百人於本路州縣苗糧

三石之下三石之上差充專任修築

湖學

宋史樂志宋朝一一之興老師宿儒痛正音之寂寥嘗擇取二南小雅數十篇寓之頌籥使學者朝

夕詠歌又胡瑗傳慶厯中教學蘇湖間二十餘年弟子以數千計是時方尚辭賦獨一一以經義治事分齋

故天下謂一一多秀彥其出而筮仕多適於用

湖暗

李紳登禹廟迴降雪詩
一水封鏡山明樹變梅

湖滿

劉禹錫海陽湖別浩初師詩
一景方霽野香春未闌

湖淺

宋史河渠志
見山泉下

湖闊

李白詩一數千里湖光搖碧山
君登岳陽樓詩一兼雲霧樓孤屬晚晴
杜甫陪裴使曹松

詩浪花

一虹蜺斷柳線村深鳥雀間
張喬江上送

友人南遊

詩岸長羣岫晚一片帆秋
郭翼過綽墩

詩烏目

峰高雲北下

白沙

一水西來

湖添

元稹樂天早春見
寄詩見水色下

湖平

杜甫風疾舟中伏枕書懷詩舟泊常依震
見參劉禹錫洞庭秋月行是時白露三秋中
一

一月上天地空 陳羽中秋夜臨鏡湖望月詩鏡裏秋
宵望一 一 月彩深 張喬題靈山寺詩一 一 幽徑近船

泊夜燈微 又宋史兵志撫州七砦注
城南曾田樂安鎮馬旗步招攜一 一

湖高 宋史食貨志江東帥臣李光言明越之境皆有陂
湖大抵一 一 於田田又高於江海旱則放湖水溉

田澇則決田水入
海故無水旱之災

湖開 晉書陳訓傳時錢塘一 一 或言天下當太平青蓋
入洛陽皓以問訓訓曰臣止能望氣不能達一之

一塞退而告其友曰青蓋入洛將有
輿觀銜壁之事非吉祥也尋而吳亡

湖狹 宋史河渠志今一 一 水淺六井盡壞若二十年後
盡為葑田則舉城之人復飲鹹水其勢必耗散

湖窄 張雨錢塘書懷詩葑田一 一
遊船少墓道山荒剩屋斜

湖近

鄭巢題崔中丞北齋詩秋來道興生——草侵庭

湖接

語林咸通末鄭渾之為蘇州錄事譚銖為齋院官鍾幅為院巡儀廣文時湖州牧李超趙蒙相次俱

狀元

二郡地土相接時為

語曰

——兩頭蘇連三尾

湖衝

魏書盧昶傳將恐王師固六里據——南戡淮浦勢崩難測海利鹽物交關常貢所慮在大有必爭

心之

湖廢

陸游詩——繞隄行往返常畢景

湖涸

宋書孔覲傳見海浦下

湖竭

梅堯臣飲酒詩見海螯下

湖瀉

王維送張舍人佐江州同薛璩
詩香爐遠峰出石鏡澄一一

澤

澤天

周易卦歌
一一需

澤雨

晉書樂志一一施化雲布
王融永明樂香風流
梵瑄一一散雲花
梁簡文帝上大法頌表一一

無偏心

田受潤

澤風

周易卦歌一一大過
溫子昇為魏帝遷都拜廟
鄴宮赦詔觀象雷雨布寬大之恩取類一一申肆

赦之

令

澤雷

周易卦歌
一一隨

澤地

周易卦歌——草 周禮稻人凡稼澤夏以水殄

時大雨時行以水病絕草之後生者至秋水涸芟之明年乃稼澤者反艱疏——多泥柔也元謂反艱為泥之

黏欲得心
在外滑

澤火

周易卦歌——革

澤野

周禮澤虞若大田獵則萊——及樊田植虞旌以屬禽

澤田

詩菁菁者莪在彼中阿陸璣疏云莪蒿也生——漸洳之處葉似邪蒿而細科生三月中

澤國

宋史樂志上游荆楚要——洞庭深自識同文世皆迴拱極心 梁肅送崔副使歸洪州幕府序——

——多雨芳華久困 李德裕退身論余前之在鼎司謝病辭免尋即遠就——自謂在外而安豈知天高不聞

身遠受苦 王勃採蓮賦見海孺下 宋之問詩——

韶氣早開簾延霽天 岑參送王昌齡赴江寧詩——

從一官滄波幾千里 杜甫詩淡交隨聚散——聽迴

旋 白居易詩銅魚令——節刺史古是吳都王

杜牧白雲樓詩江村夜漲浮天水——秋生動地風

又曉望詩秦原在何處——碧悠悠 鄭谷詩山城多

曉瘴——少晴春 吳融詩漠漠淡雲烟秋歸——天

黃滔詩——多芳草年年長自春 齊己詩行僧盡

去春山遠賓雁同來——寬 張耒詩——秋高添氣

象人家南去好風烟 陸游詩要知——年光晚已過

清明尚

淺寒

澤州

明一統志——春秋屬晉戰國屬韓後屬趙秦為

上黨郡高都縣地漢為上黨河東二郡地後魏置

建興郡治高都城兼置建州北齊又置長平高都二郡

後周併為高平郡隋廢郡改建州為——治丹川縣唐

初復改置建州尋廢建州又置——治端氏縣天寶初
改為高平郡乾元初復為——顏真卿帖——著績

朝于本

澤潞

唐書李德裕傳——節度使劉從諫死軍從子稹
擅總留事以邀節度德裕曰——內地非河朔比

捨而不討無以示四方又白居易傳河朔復亂合諸
道兵出討遷延無功賊取弓高絕糧道深州圍益急居

易上言兵多則難用將衆則不一宜詔魏博——定滄
四節度令各守境以省度支貲餉又李宗閔傳會昌

中劉稹以——叛德裕建言宗閔素厚從諫今上黨近
東都乃拜宗閔湖州刺史五代史梁太祖紀光化二

年李克用取——宋史太祖紀建隆元年南唐進白
金賀平——又李崇矩傳宋初李筠叛命崇矩率龍

捷驍武左右射禁軍數千人屯河陽以所部攻大會砦
拔之改——南面行營前軍都監又石守信傳——

平以功加同平章事

元史王 玉傳從政

諸州獨

潞州堅壁不下王力戰流矢中左目竟拔其城

張說

撥川郡王神道碑

一自公之拔身向化首變華風

一

之間如見我州矣

韓愈平淮西碑明年平夏又明年

平蜀又明年平江

東又明年平

澤沁

唐書郭子儀傳以子儀為朔方河中北延潞

儀

一 一 等節度行營兼興平定國副元帥

澤城

水經注沁水又南與濩澤水合水出

澤梁

孟子闢市譏而不征

魚

然後虞人入

一 一 無禁 禮記王制獺祭

淮南子

末世之政田漁重稅關市急征

畧無所布

耜耨無所設民力竭於徭役財用殫於會賦

澤臯

淮南子

一 一 織網陵坂耕田得

以所有易所無以所工易所拙

澤藪

詩獫狁匪茹整居焦獲傳焦獲周地接于獫狁者疏釋地云周有焦獲郭璞曰今扶風池陽縣瓠中

是也

其一在瓠中而藪外猶焦獲所以接于獫狁也

周禮職方氏曰揚州其一曰具區注大澤曰藪按

澤虞職大藪大澤註水鍾曰澤水希曰藪則澤藪別矣

今此云大澤曰藪為一物解之者但一一相因亦為一

物故云大

澤曰藪也

澤鹵

史記河渠書西門豹引漳水溉鄴以富魏之河內而韓聞秦之好興事欲罷之母令東伐乃使水工

鄭國間說秦令鑿涇水自中山西邸瓠口為渠並北山東注洛三百餘里欲以溉田中作而覺秦欲殺鄭國鄭

國曰始臣為間然渠成亦秦之利也秦以為然卒使就渠渠就用注填閼之水溉一一之地四萬餘頃收皆畝

一鍾於是關中為沃野無凶年秦以富強卒并諸侯因名鄭國渠又匈奴傳漢議擊與和親孰便公卿皆曰

單于新破月氏乘勝不可擊且得匈奴地——非可居也
也和親甚便 謝景初觀餘姚海氛詩——雜山雲蓊

鬱相薰蒸

澤山 周易卦歌——咸 明一統志——在寧波府定海縣西北九十里舊名櫟山宋吏部郎官黃震歸

此隱居

澤水 周易卦歌——困 宋書五行志晉穆帝升平二年二月涼州城東池中有火四年四月姑臧——

中又有火此火殄水妖也

澤發 水經注挑水東逕靖陽亭南故闕城及北流至井陘關下注——水 明一統志——水在太原府

平定州東九十里一名阜叢又名畢發平地突起下赴絕澗懸流千尺即井陘治河之源也 又——池在充

州府沂州澤筆城內晉王
義之曝書堂前今湮沒

澤陂

詩彼一之一有蒲與荷傳陂澤障也疏澤障謂澤中障水之岸以陂內有此二物故舉陂畔言之二

物非生于陂上也漢書高祖紀母媼嘗息大之一注師古曰蓄水曰陂蓋于一隄塘之上休息而寢寐

也呂覽室中之無一也井中之無大魚也新林之無長木也凡謀物之成也必由廣大衆多長久信也

江淹蓮花賦
見江陰下

澤障

詩疏
見上

澤宗

禮記祭法埋少牢于泰昭疏古尚書說天宗日月北辰地宗岱河海也日月為陰陽宗北辰為宗

河為水宗海為

岱為山宗

澤虞

周禮一每大澤大藪中士四人下二八人注澤水所鍾也水希曰藪又甸祝疏見山虞下爾

雅紡鳥

一注今姻澤鳥似水鵲蒼黑色常在澤中見人輒鳴喚不去有象主守之官因名云

澤農

周禮掌葛以時徵絺綌之材于山農凡葛征徵草貢之材于一以當邦賦之政令以權受之注草

出澤黃紵之

屬可緝績者

澤人

禮記月令季夏之月命一納材葦韓詩外傳聖人剡木為舟剡木為楫以通四方之物使一一

足乎水山人足乎魚餘行之財有所流故豐膏不獨樂硤确不獨苦

澤宮

禮記射義天子將祭必先習射於澤澤者所以擇士也疏一是名於此宮中射而擇士故謂此宮

為澤非唯祭而擇士餘射亦在其中故書傳論主皮射云嚮之取也於國中勇力之取也于一揖讓之取也

是主皮之射亦近於澤也 家語天子卜郊則受命於
祖廟而作龜於禰宮尊祖親考之義也卜之日王親立
於一一以聽誓命受教諫之義也 齊書樂志雍臺辨
朔一一選辰挈火夕照明水朝陳 柳宗元送蕭鍊登
第後南歸序始余幼時拜兄於九江郡覩其樂嗜經書
慕山藪雖在綺紈而私心慕焉厥後竊理文字先禮而
冠遇見於一一之中觀其德如九江之拜蓋世俗所不
能移也 庾信華林園馬射賦日下一一筵闌相圃悵
徒蹕之留歡眷
迴鑒之餘舞

澤門 左傳宋皇國父為大宰為平公築臺妨於農功子
罕請俟農功之畢公弗許築者謳曰一一之哲實

興我役邑中之
黠實慰我心

澤禽 詩叔在藪火烈具舉
傳藪一一之府也

澤鴈

薩都拉詩枯魚吐沫——
——叫嗷嗷待食何時休

澤雉

莊子——十步一啄百步一飲不斲蓄乎樊中神
雖王不善也 庾信謝趙王賁息絲布啓——將

雛共喜行春之令 又周譙國夫人步陸孤氏墓誌銘
魚軒馮軾——文衣 石崇思歸嘆——遊鳧兮戲中

園

張協雜詩——

登壘

雖寒猿擁條吟

澤獸

禮記月令疏見山獸下 宋書符瑞志黃帝時巡
狩至於東濱——出能言達知萬物之精以戒於

民為時除害賢君
明德幽遠則來

澤馬

宋書符瑞志——者王者勞來百姓則至 論衡
——山出車——出——拾遺記軒轅泛河沉璧有——

羣鳴山車滿野 梁簡文帝南郊頌嘉祥被衆瑞發金
人——丹甌玉雞三角九尾四肩六足參差於郊藪布

獲于宮闈 王融曲水詩序 一 來器車出 左思魏
都賦 喬雲翔龍 一 於阜 顏延之赭白馬賦 魏德懋

而 一 效質注魏文帝

黃初中於上黨得 一

澤狗

易林 一 水
鳧難蓄難雛

澤龍

戴表元容齋
賦見海鵬下

澤龜

爾雅見
水龜下

澤魚

儲光義漁父詞 一
好鳴水溪魚好上流

澤柳

爾雅旄 一 疏柳生澤中者別名旄
通志柳曰天棘杞柳亦曰 一

澤蒜

齊民要術種 一 法預耕地熟時採取子漫散勞
之 一 可以香食吳人調鼎率多用此 馮子振

十八公賦汝蔥可以蕩氣驚天十萬里俱忘竺嶺之
鋤刻一一可以却穢龍方三十首不必巴江之盡炮

澤漆爾雅蕎邛鉅注蕎一名邛鉅即今大戟苗名一
一本草一一味苦辛微寒無毒生太山川澤

澤花揚炯山莊詩
見山樹下

澤芝顏延之碧芙蓉
頌見水屬下

澤蒞晏殊中園賦豬苓
馬勃一一溪菰

澤瀉素問帝曰有病身熱解墮汗出如浴惡風少氣此
為何病岐伯曰病名曰酒風帝曰治之奈何岐伯

曰以一一木各十分麋銜五分合以三指撮
為後飯明一統志一一濟南府歷城縣出

澤藋詩彼汾一曲言采其蕢傳蕢水鳥也疏令一一也
其葉如車前草其味亦相似徐州廣人食之爾

雅蒲烏注
今——

澤乳

本草譽石釋名白譽石太白石立制
石青介石固羊石石鹽——鼠鄉

澤葵

述異記苔謂之——又名重錢亦呼為宣蘇南人
呼為姑草 鮑照蕪城賦——依井荒葛冒塗

澤蘭

大業雜記先有壽禪師仁壽間常在內供養造五
色飲以扶芳葉為青飲拔楔根為赤飲酪漿為白

飲烏梅漿為元飲江薑為黃飲又作五香飲第一沉香
飲次檀香飲次——飲次甘松香飲皆有別法以香為

主 本草——釋名水香都梁香虎蘭虎蒲龍棗孩兒

菊風藥根名地筍 謝靈運遊南亭詩——漸被徑矣

蓉始發池 又水

經注見山影下

澤蓼

急就篇注
見水蓼下

澤敗

本草敗醬釋名一一根作陳敗豆醬氣故名

澤芥

蘇軾次韻滕元發許仲塗秦少游詩坐看青丘吞一一自慙黃潦薦谿蘋

澤物

禮記禮器疏見山養下周禮澤虞凡祭祀賓客共一一之食注一一之奠亦籩豆之實芹茆菱芡

之屬

又虞集賀表誕啓用材之路式推一一之仁朱子詩沃心一一吾有望

澤性

易咸象疏見山體下

澤氣

淮南子見山氣下鮑照詩一一畫薰體蘭露夜沾衣

澤器

周禮幌氏凍帛以櫛為仄涯淳其帛實諸一一

澤謡

宋書范泰傳陛下昧旦丕顯求民之瘼明斷庶獄無倦政事理出羣心一一民口百姓翕然皆自以

為遇其時也

澤腹

禮記月令季冬之月水方盛水一堅虞集枯木圖詩明堂清廟要梁棟朔風吹沙一凍

澤中

易隨象一有雷隨又萃象一有火萃君子以治厯明時詩鴻雁于飛集于中澤傳中澤一

一也箋鴻雁之性安居一一令飛又集于一猶民去

其居而離散今見還定安宅周禮大司樂靈鼓靈鼗

絲竹之管空桑之琴瑟咸池之舞夏日至於一一之方

丘奏之爾雅一一有丘都丘注在池一一史記項

羽紀秦二世元年七月陳涉等起大一一其九月會稽

守通謂梁曰江西皆反此亦天亡秦之時也吾聞先即

制人後即為人所制吾欲發兵使公及桓楚將是時桓

楚亡在一一梁曰桓楚亡人莫知其處獨籍知之耳梁

乃出誠籍持劔居外待梁復入與守坐曰請召籍使受

命召桓楚又高祖紀高祖以亭長為縣送徒鄴山徒

多道亡自度比至皆亡之到豐西——止夜飲乃解縱
所送徒曰公等皆去吾亦從此逝矣徒中壯士願從之
者十餘人又楚世家夫虎肉臊其兵利身人猶攻之
也若使——之麋蒙虎之皮人之攻之必萬之於虎
又封禪書天好陰祠之必於高山之下小山之上命曰
時地貴陽祭之必於——圓丘云又貨殖傳——千
足珣此其人與千戶侯等漢書王尊傳尊字子贛涿
郡高陽人也少孤歸諸父使牧羊——後漢書嚴光
傳帝思其賢乃令以物色訪之後齊國上言有一男子
披羊裘釣——帝疑其光乃備安車元纁遣使聘之三
反而後至又任光傳世祖與光等投暮入堂陽界使
騎各持炬火彌滿——光炎燭天地舉城莫不震驚惶
怖其夜即降又吳祐傳常牧豕於長垣——行吟經
書遇父故人謂曰卿二千石子而自業賤事縱子無恥
奈先君何祐辭謝而已守志如初南史曹景宗傳景
宗幼善騎射好田獵常與少年數十人——逐麋鹿每

衆騎赴鹿鹿馬相亂景
宗於中射之以此為樂

澤上

易臨象——有地臨 又萃象——
——于地萃君子以除戎器械不虞

澤畔

詩既見澤陂下 史記屈原傳見江濱下 齊書
祥瑞志永明八年延陵縣前——獲毫龜一枚

莊子孔子游乎緇帷之林休坐乎杏壇之上弟子讀書
孔子弦歌鼓琴奏曲未半有漁父者下船而來指孔子
曰彼何為者也子路對曰魯之君子也客問其族子路
對曰族孔氏客乃笑而還行言曰仁則仁矣恐不免其
身苦心勞形以危其真嗚呼遠哉其分於道也子貢還
報孔子孔子推琴而起曰其聖人歟乃下求之至於——
——方將杖屨而引其船顧見孔子還鄉而立孔子反走
再拜而進竊待於下風幸聞咳唾之音以卒相丘也

李

綱含笑花賦採杜若

於洲中蹇笑芙蓉於——

澤行

鹽鐵論禹感洪水身親其勞——路宿過門不入當此之時簪墮不掇冠挂不顧而暇耕乎

澤處

鹽鐵論語曰百工居肆以成其事農商交易以利本末山居——蓬蒿堯堯財物流通有以均之是

以多者不獨行少者不獨饒若各居其處食其食則是橘柚不鬻胸鹵之鹽不出旃罽不事而吳唐之材不用

也
論見水居下道德指歸

澤廬

抑宗元武岡銘見山畋下

澤助

皮日休漆漁具詩序古之人或有溺於漁者行其術而不能言用其器而不能狀此與——之廬者

又何異哉

澤洽

晉書李充傳——雨濡化流風散
新書德渥——
調和大暢則天清澈地富煖
蔡邕胡公碑勲

格皇天——后土 杜琨駕幸
溫泉宮賦——羣臣恩遍區宇

澤豐——陸雲吳故丞相陸公誄
——泉丘潤博雲林

澤漏——梁武帝詔——
——川泉仁被動植——

澤覆——說苑晏子方食君之使者至分食而食之晏子不
飽使者返言之景公景公曰嬉夫子之家若是其

貧也寡人不知也是寡人之過也令吏致千家之縣一
於晏子晏子再拜而辭曰嬰之家不貧以君之賜——
三族延及交遊以振百姓君
之賜也厚矣嬰之家不貧也

澤卑——易損象山下有澤損䷨——澤在山下
——山高似澤之自損以崇山之象也

澤廣——荀子積厚者流——積薄者流澤狹 李紳詩——
——豚魚洽恩宜豈弟生 許崇題甘露寺詩見山

孤下

澤遠

宋書沈攸之傳昇明肇厯恩深——申其父子之情矜其骨肉之恩馳遣元琰銜使西歸並加崇授

寵貴重疊元琰達西便應反命攸之得此集聚蒙誰之恩不荷盛德反生讐釁

澤普

梁簡文帝大法頌——三界恩均八方

澤溥

李觀邠寧節度饗軍記申號而惠周升堂而——

澤湛

新書天子德厚焉——焉而後稱帝又加美焉而後稱皇

澤流

史記惠景間侯者年表昔高祖定天下功臣非同姓疆土而王者八國至孝惠時惟獨長沙全禪五

世以無嗣絕竟無過為藩守職信矣故——枝庶無功而侯者數人又太史公自序漢興以來獲符瑞封禪

改正朔易服色受命於穆清——罔極海外殊俗重譯
款塞請來獻見者不可勝道韓詩外傳道德則——

羣生而福歸王公——羣生則下安而和福歸王公則
上尊而榮道德指歸論德盛——洋溢萬方潘尼

益州刺史楊恭侯碑
——河朔勲著王庭

澤厚

史記聶政傳政所以蒙污辱自棄於市販之間者
為老母幸無恙妾未嫁也親既以天年下世妾已

嫁夫嚴仲子乃察舉吾弟困污之中而交之——矣可
奈何士固為知己者死今乃以妾尚在之故重自刑以
絕從妾其奈何畏殛身之誅終滅賢弟之名宋史樂
志仁深——厥光已延道德指歸論無為而恩流不

仁而

澤芬

江淹蓮花賦
見江澹下

澤柔

齊書樂志靈之聖之歲殷——

澤締

道德指歸論德流萬物而不可復恩結——而不可歸

澤浸

張衡東京賦——昆蟲咸振八寓鮑照河清頌序夫四皇六帝樹聲長世大寶也——羣生國富

刑清鴻德也

澤燥

素問有喜有怒有憂有喪有——有——此象之常也必謹察之

澤瑩

洞天清錄硬黃紙唐人以書經染以黃蘗——而滑

澤媚

朱子詩珠藏——自玉韞山含暉

澤浹

江淹賜敕交州詔原刑四裔——中畿

澤潤

書道洽政治——生民淮
南子辨解連環——玉石

澤闊

杜牧赴京曉景即事詩——
鳥來遲村饑人語早

澤竭

史記天官書
見水澹下

澤涸

潛虛見
山童下

澤閱

鮑照觀圃人藝植詩——
既繁高山營又登熟

澤穢

嵇康答難養生論滌
垢——志凌青雲

澤物

宋書樂志——
九有化浮八瀛

澤手

禮記共食不飽共飯不——
元稹詩近鞘先——

澤叻

唐書酷吏傳序索元禮來俊臣之徒——磨牙噬紳纓若狗豚然

澤髮

李丘封詩——解兜牟醜顏傾鑿落秦觀馬詩雙瞳夾鏡權協月尾鼠蕭森——於——

澤瑊

唐書王式傳餘姚民徐澤專魚鹽之利慈溪民陳瑊冒名仕至縣令皆豪縱州不能制式曰有竊發

不足畏若——乃巨猾也窮治其姦皆榜死

藪

藪澤

詩叔在藪火烈具舉疏叔之在于——也火有行列俱時舉之言得衆之心故同時舉火史記司

馬相如傳鶴明已翔乎廖廓而羅者猶視乎——漢書揚雄傳昔在二帝三王宮館臺榭沼池苑囿林麓——

——財足以奉郊廟御賓客充庖廚而已後漢書郎顗傳賢者出處翔而後集爵以德進則其情不苟然後使

君子恥貧賤而樂富貴矣若有德不報有言不酬來無
所樂進無所趨則皆懷歸——修其固志矣 元史王
義傳寧晉東有——周回百餘里中有小堡曰瀝城義
曰瀝城雖小而完且有魚藕菱芡之利不可失也留偏
將李直守寧晉身率衆保瀝城由是全活者衆 穆天
子傳天子筮獵革澤其卦遇訟逢公占之曰訟之繇——
獲——蒼蒼其中——宜其正公戎事則從祭祀則惠畋獵則

首稽

數牧

周禮冢宰以九職任萬民四曰——養蕃鳥獸
注澤無水曰——牧田在遠郊皆畜牧之地

壑

壑谷

左傳鄭伯有者酒為窟室而夜飲酒擊鐘焉朝至
未已朝者曰公焉在曰在——皆自朝布路而罷

揚萬里雪巢賦

一 奧溥蝸廬福小

壑水

水經淮水又
東右合

壑源

東溪試茶錄建安郡東望北苑之南山叢然而秀
高峙數百丈山起

迤邐南絕其尾巋然山阜高者為
一口而西周抱北苑之羣山
自此首也

曰承天有園隴北稅官山其茶甘
香特勝 米芾詩點畫

壑冷

高啓月林清影詩流淩
舞波寒驚蚪翔

壑利

晉書陸機傳制曰蘭植中塗必無經時之翠桂生
幽壑終保彌年之丹非蘭怨而桂親豈塗害而

一 而生滅有殊者
隱顯之勢異也

壑

高似孫水仙花賦際——
之無畔壯英心之自仙

壑風

貫休秋望寄王使君詩無
端求句苦永日——吹

灤

灤水

山海經嶽山——出焉東流注於澤水經注——
——出歷縣故城西南泉源上舊水涌若輪俗謂之

為娥姜水也

以泉源有舜妃娥英廟故也又濟水又

東北——

出焉曾鞏齊州二堂記齊濱——而初無

使客之館使客至則常發民調材木為舍以寓去則徹
之既費且陋乃為徙官之廢屋為二堂於——之上以

客舍

灤源

明一統志——堂在濟南府歷山之陰灤
水之上宋曾鞏守齊州建二堂以舍客

浦

浦水

齊書州郡志見江濤下又咸和四年祖約以城降胡復以庾亮為刺史治蕪湖蕪湖一南入亦

為險與

王勃採蓮賦望洲草

今翡翠色動

一一今驪龍文

浦海

孔稚珪陳通和之策表今宜早發大軍廣張兵勢徵犀甲於岷峩命樓船於一一使自青徂豫候騎

星羅沿江入

漢雲陣萬里

浦江

明一統志一一縣在金華府城東北一百二十里

浦溆

揚炯青苔賦桂州橫兮蘭拙觸一一遭迴兮心斷續王維曲江侍宴詩畫旗搖一一春服滿汀洲

昌嶺沙苑南渡頭詩秋霧連雲白歸心一一縣杜甫

儲光羲夜到洛口詩一一既清曠沿洄非阻修王

戲題王宰畫山水圖歌見山木下柳宗元遊南亭夜

還叙志詩重疊間一遷迤驅巖叢皎然泛阮元公

溪詩早涼生一秋意滿高低又溪上月詩蟾光散

一素影動淪連梅堯臣詩口頭沙蘆浪如山一一

排舟魚貫柳陳造詩林廬桃李月一一蕙

蘭風陸游詩酒旆村場近冒船一一通

浦溪明一統志一一山在柳

州興寧縣東南六十里

浦洛宋史張鑑傳闕輔之民數年以來併有科役畜產

蕩盡室廬頓空加以一一之行曾經剽劫原州之

役又至遷延非獨令之

勿從實緣力所未逮

浦涯詩率土之濱莫非王臣傳濱厓也疏釋水云潯水

涯孫炎曰涯水邊說文云浦水濱廣雅云一一然

則潯濱涯浦皆水畔

之地同物而易名也

浦澤

宋書索虜傳衆軍就臨將令南海北汎江湖南溢高岸墊為——深谷積為丘陵

浦沙

陳子昂鴛鴦篇——繚繞綠隈隴李頎漁父歌——張說詩差池截——

明濯足山月靜無論杜甫陪王侍御宴通泉東山野亭詩見山水下劉長卿送顧長詩晨裝林月在野飯

寒——

浦灣

鄧陟珠還合浦詩至寶含冲粹清虛映——

浦浪

杜甫登舟將適漢陽詩庭蔬尚在眼——已沾衣

浦嶼

元稹酬樂天早春閑遊西湖詩——崎嶇到林園次第巡白居易舟行阻風詩扁舟厭泊煙波上

杖策閒尋——間李羣玉桑落洲詩——漁人火叢

葭鳬雁聲——皮日休夏日平上聲詩溝渠通疎荷——

隱淺
篠

浦岸

蘇軾黃魯直畫跋每未行而風作固不當行若中途過風不盡力牽挽以投——當何之耶 陸游

舟中

詩疊疊沙痕留——
疎疎日影透漁篷——

浦城

明一統志——縣在建寧府城東三百三十里

浦里

後漢書李南傳太守馬稜坐盜賊事被徵當詣廷尉吏民不寧南特通謁賀曰旦有善風明日中時

應有吉問故來稱慶旦日稜延望景晏以為無徵至晡乃有驛使齎詔書原停稜事南問其遲留之狀使者曰向度宛陵——旂馬踰足是以不得速稜乃服焉 宋書五行志吳孫休永安四年五月大雨水泉涌溢昔歲作——塘功費無數而田不可成士卒死叛或自賊百姓愁怨陰氣盛也

浦牖

宋史河渠志
見水園下

浦橋

祖詠泊楊子津
詩見江火下

浦陽

齊書州郡志九德郡——越絕書——者句踐
軍敗失衆邁於此去縣五十里明一統志——

江在金華府浦江縣界源出深衆山及礪坑山本吳
越三江之一李白送揚山人歸天台詩見浙江下

浦月

張正見泛舟橫大江詩舟移歷——擢舉濕春衣
李白聞笛詩寒山秋——腸斷玉關情楊發

宿黃花館

詩何處迷鴻離——誰家愁婦擣霜衣
成廷珪詩生平縱跡侶魚蝦——山風滿客槎

浦雲

李賀江南弄
見水風下

浦烟

郭鈺貽郭恒詩月懸
松露明鵲啼——破

浦夏

駱賓王夏日遊目詩
荷香滿田秋麥氣清

浦樓

王勃白下駟餞唐少府詩
低晚照鄉路隔風烟

浦峰

明一統志
寺在辰州府城東二百四十里宋建

浦帆

杜甫朝詩
初發郊扉冷未開晨

浦荷

駱賓王晚泊河曲詩
疎晚葯津柳漬寒條

浦柳

黃滔江行遇王侍御詩
散秦吳隔暫泊官船數年分

浦樹

韋嗣立懷驪山別業詩
劉憲安業公主山莊應制詩
傍憐芳尋崖愛綠泉

落花芳
相將歌棹回
劉希夷江南曲
此中逢歲晏
懸秋影江雲燒

落輝

張九齡使還湘水詩夕逗烟村宿朝緣——行

章應物賦得暮雨送李曹詩見海門下朱子山行

詩江烟——悲重疊楚水闌山喜接連虞集

鹿門圖詩沙禽——俱可入金澗石牀為誰好

浦花韋嗣立自湯還都經龍門北溪

詩空聞岸竹動徒見——繫

浦禽

孫逖江行有懷詩霜多

山橘熟寒至——稀

浦鷗

杜甫寄岳州賈司馬六丈巴州嚴八使

君西閣老詩——防碎首霜鷗不空拳

浦鴈

褚載鶴詩沙鷗——應

驚訝——舉扶搖直上天

浦珠

貫休寄景地判官詩——

為履重園柳助詩元

浦口

宋史食貨志見海船下又西南溪峒蠻傳沅陵

之——地平衍膏腴多水田頃為猺蠻侵掠民皆

轉徙而田野荒穢王勃採蓮賦池心寬而藻薄——
窄而萍稠令狐楚還珠亭賦乍入潭心時依——

何遜夜夢故人詩——望斜月洲外聞長風庾信詠
畫屏風詩平沙臨——高柳對樓前李賀江樓曲罷

吟——飛梅雨竿頭酒旗換青苧皮

日休冒詩——更有人停撓一延竚

浦面陸游詩——波紋春縠細橋頭柳色麴塵深又
——鳥衝殘靄去柳陰人荷一鋤歸又即事詩

見山容下

浦上水經注下洛城東南四十里有橋山下有溫泉泉
上有祭堂雕簷華宇被於——杜甫柰樹為風

雨所拔詩滄波老樹往所愛——童童一青蓋張繼
會稽郡樓雪霽詩夏禹壇前仍聚玉西施——更飛沙

范成大題蘧仙觀詩沉犀——
——舊仙蹤老木長春翠掃空

浦中

宋書武帝紀元從子振逃於華容之——招聚逆黨數千人晨襲江陵城居民競出赴之騰之康產

皆被殺桓謙先匿於沮川亦聚衆以應振又徐寧傳時桓彝稱有人倫鑒識彝嘗去職至廣陵尋親舊還遇

風停——

累日憂悵因上岸見一室宇有似廨署訪之

云是輿縣彝乃造之寧清惠博涉相遇欣然因留數夕

彝大賞之結交而別至都謂庾亮曰吾為卿得一佳吏部郎語在彝傳即遷吏部郎馬祖常詩見江田下

浦裏

李端荆門歌霹靂燮燮聲漸繁——人

家收市喧張籍江南曲見江村下

浦邊

王昌齡送韋兵曹詩獨立——鶴白雲長相親張志和漁父歌江上雪——風李紳憶東湖詩

見湖
面下

浦間

李紳水寺詩見江月下

浦東

陳潤賦得浦外虹送人詩
日影化為虹彎彎出

浦色

賈島雙鷺詩何以雙飛——中周賀
送友人詩牆烟離——蘆雨入船聲

浦思

韓愈祭河南張員
外文見山哀下

浦程

李紳渡西陵
詩見海色下

浦宿

錢起詩鄉愁不可
道——聽猿吟

浦暗

蘇頌出塞詩——漁
舟入川長獵騎稀

浦靜

元稹渡漢江詩見山遙下齊己
滿湘詩——魚閑釣灣涼雁自屯

浦淨

李嵩春日山莊詩——
漁舟遠花飛樵路香

浦迴

李端詩城間烟草
遍——雪林分

浦隔

錢起送王諫議詩暫以青——還看紫禁同
何中除夕詩——雁聲落蓬孤燈影寒

川

川日

劉長卿赤沙湖詩沙鷗
積暮雪——動寒暉

川霧

祖詠田家即事詩餘霧蕩——新秋仍晝昏
蕭穎士舟中遇陸揅兄西歸數日得廣林二三子書

知遲晚次沙塾西
岸詩見水氣下

川露

賀知章曉發
詩見海潮下

川雲

杜甫遊脩覺寺詩徑石
相縈帶——自去留

川靄

陳與義詩巖扉雜——奇變供几席陸游詩——林扉翠欲浮散人心事寄沙鷗

川霽

王勃餞韋兵曹詩見山明下趙冬曦奉和張燕公早霽南樓詩見湘山下

川氣

潘岳河陽縣作見山嶺下薛奇童擬古詩——生晚夕野陰乍烟霧杜甫三川觀水漲詩蒨甸

——黃羣流會空曲劉因玉溪精廬詩——生不極翠潤流衣巾

川陽

王維晦日遊大理韋卿城南別業詩見峰首下

川陰

宋書樂志古有避世士抗志清霄岑浩然寄卜肆揮擢通——

川暝

孟浩然陪張丞相自松滋江東泊渚宮詩渚宮何處是——欲安之

川晴

范梈詩——樹氣嘉夕露枝條盈

川寒

韋應物九日澧上詩——流愈迅霜交物初委
李益洛陽河亭詩歲晚烟霞重——雲樹微

川光

陶舉花萼樓賦見峰首下
杜甫白水縣崔少府十九翁
雨色落日搖——

高齋

詩兵氣漲林壑——雜鋒鏑
韋應物義演法師
西齋詩長嘯依亭樹悵然——暝

樊川

不至詩——初媚日山色正矜秋
李羣玉江樓
獨鳥暮林色落英遲
杜牧秋晚與沈舍人期遊

獨酌

詩見

水國

下

川岳

宋書武帝紀四靈效瑞——啓圖嘉祥雜還休應
炳著
齊書高帝紀宣禮明刑締仁緝義晷緯疑

象

表靈
又樂志天挺聖哲三方維綱——伊寧
七耀重光
又周山圖傳世祖為西討都督啓山圖為

軍副

世祖留劇盆城衆議以盆城城小難固不如還都

山圖

曰今據中流為四方勢援大衆致力——可為城

隍小事不足難也 拾遺記春皇者庖犧之別號於時
未有書契規天為圖矩地取法視五星之文分晷景之
度使鬼神以致羣祠審地勢以定一一始嫁娶以修人
道 王僧孺徐府君集序君稟靈一一懸精辰象早昭
珪璋夙表岐嶷 王儉太宰文簡褚彥回碑文公稟一
一之靈暉含珪璋而挺曜 江淹為蕭上銅鏡芝草衆
瑞表業藹鴻經則烟露呈照精昭景緯則一一發
華 李白大獵賦河漢為之却流一一為之生風

川嶠何景明待曙樓賦雲霞收霏
而五色一一呈態而百巧

川岫梁簡文帝大法頌序藏金玉於一一棄琴瑟乎大
壑 江淹傷友人賦友人之生一一降明峻調迴

韻慧志
聰情

川洞南史華皎傳皎起自下吏善營產業又征一一多
致銅鼓及生口並送都下 徐陵報尹義尚書一一

一 首豪強梁溪海神兵一指率土咸康 又與章司空
昭達書聖朝受命天下廓清所餘殘寇惟有歐紇南通
交管北據衡疑兄弟叔姪盤阻一 柳宗元為裴中
丞伐黃賊轉牒蹶張之技盡出於山林拔距之材徧徵
於一

川 岡

李端折楊柳詩柳發遍一 一 登高堪斷腸 白
居易朝回遊城南詩水竹夾小徑縈迴繞一 一

川 阜

魏書文明皇后馮氏傳太后與高祖遊於方山顧
瞻一 一 有終焉之志因謂羣臣曰舜葬蒼梧二妃

不從豈必遠附山陵然後為貴哉吾百年之後神其安
此任昉為庾杲之與劉居士剡書卜居郊郭縈帶一

一 顯不狗功
晦不標迹

川 阿

王勃採蓮賦
見水溪下

川原

漢書溝洫志中國——以百數莫著於四瀆而河
為宗 水經注秦用李斯議分天下為三十六郡

凡郡或以——西河河西是也 歷代名畫記戴嵩韓
晉公之鎮浙右署為巡官師晉公之畫不善他物唯善

水牛而已田家——亦有意 明一統志尋甸軍民府
形勝——平衍 指月錄紅霞籠玉象擁嶂照——

楊炯李懷州誌銘觀其井邑號仲上陽之故墟度其——
周公分陝之遺跡 高蓋花萼樓賦綠野物霽分渭

北之——青門洞開覽山東之貢賦 屠隆明月榭賦
——澄兮雲氣鮮瑤臺朗兮魂魄圓 陳子昂樂鄉縣

詩——迷舊國道路入邊城 張九齡初發道中詩——
——行稍穩鐘鼓聽猶徐 蔡希周陝中詩——餘讓畔

歌吹憶遺棠 王維臨高臺送黎拾遺詩相送臨高臺
——杳何極 杜甫橋陵詩永與奧區固——紛眇冥

又秦州雜詩鼓角緣邊郡——欲夜時 戴叔倫巡
諸州漸次空靈戍詩霧積——暗山多郡縣稀 盧綸

秋晚霽後野望詩——惟寂寞歧路自縱橫 又長安
春望詩——繚繞浮雲外宮闕參差落照間 歐陽詹

蜀門與林蘊分路後屢有山川似閩中因寄林蘊詩村

步如延壽——似福平 韓愈桃源行種桃處處皆開

花——遠近蒸紅霞 劉禹錫大和戊申歲大有年詔

賜百僚出城觀秋稼謹書盛事詩——呈上瑞恩澤賜

閑行 陳通方春風扇微和詩——浮彩翠臺館動光

輝 張耒詩雨足——豐稻菽日斜鷗鷺滿蒹葭 陸

游詩日落——橫慘

淡月明洲渚遠蒼茫

川藪 北史隋煬帝紀萃——
於前代播實繁以迄今

川谷 易謙象地道變盈而流謙疏地道變盈而流謙者
丘陵——之屬高者漸下下者益高是改變盈者

流布謙者也 禮記祭法山林——丘陵能出雲為風

雨見怪物皆曰神 公羊傳無障谷注無障斷——專

水利也水注川曰溪注溪曰谷周語夫天地成而聚
於高歸物於下疏為一一以導其氣陂唐汚庫以鍾其
美是故聚不阨崩而物有所歸氣不沉滯而亦不散越
史記司馬相如傳見山陵下漢書武帝紀星辰不

亭日月不蝕山陵不崩一一不塞後漢書岑彭傳彭

率傅俊臧宮劉宏等三萬餘人南擊秦豐拔黃郵豐與

其大將蔡宏拒彭於鄧夜勒兵馬申令軍中使明旦西

擊山都乃緩所獲虜令得逃亡歸以告豐豐即悉其軍

西邀彭彭乃潛兵度沔水擊其將張揚於阿頭山大破

之從一一間伐木開道直襲黎丘擊破諸七兵齊書

張欣泰傳我國家舟舸百萬覆江橫海所以案甲於今

不至欲以邊城疲魏士卒我且千里運糧行留俱弊一

時霖雨一一涌溢然後乘帆渡海百萬齊進子復奚以

御之唐書貴妃楊氏傳每十月帝幸華清宮五宅車

騎皆從家別為隊隊一色俄五家隊合爛若萬花一一

成錦繡宋史河渠志程師孟言河東多土山高下旁

有——每春夏大雨衆水合流濁如黃河礬山水俗謂
之天河水可以淤田淮南子東方——之所注日月
之所出其人兇形小頭隆鼻大口鵞肩金行竅通於目
筋氣屬馬鹽鐵論見陵陸下顏氏家訓見崖岸下
李東陽東山草堂賦長林落木響應——楊又雲
賦乾坤以之交泰品物以之流行江海以之深滿——
以之豐盈儲光羲過新豐道中詩雷雨杳冥——
漫浩浩杜甫冬到金華山觀因得故拾遺陳公學道
遺跡詩四顧俯層巔澹然——開韋應物元日詩——
——風景溫城池草木發又觀澧水漲詩草木盈——
澶漫——
平吞

川谿

沈約太常卿任昉墓銘
——望歸巖阿待闕

川壑

謝靈運慧遠法師碑——如泣山林改容
江淹蓮花賦永含靈於洲渚長不絕兮——

川泉

古三墳氣——注
聖人以通溉民田

川匯

李時勉北京賦澤緒——若太湖瀛海渺瀰而相
屬張瓌寄題徑山詩武林頗英秀——仍山卑

川水

漢書李尋傳令汝潁畎澮皆——漂踊與雨水並
為民害此詩所謂燿燿震電不寧不令百川沸騰

者也

齊書五行志人君不禱祀簡宗廟廢祭祀逆天

時則

露水暴出——逆溢壞邑軼鄉沈溺民人故曰水

不潤

下淮南子申包胥羸糧跣走跋涉谷行上峭山

赴深

谿遊——犯津關躡蒙籠慶沙石蹠達膝曾繭重

胼

七日七夜至於秦庭水經注水出山而流入海者

命曰

經水引他水入於大水及海者命曰枝水出於地

溝流

於大水及於海者又命曰——也徐陵陳武帝

即位

詔若涉——周知攸濟杜甫龍門詩往還時屢

改——

日悠哉孟郊與韓愈李翱張

籍話

別詩馬跡遠——鴈書還閨闈

川河

後漢書西域傳論若其境俗性智之優薄產載物類之區品——領障之基源氣節涼暑之通隔梯

山棧

谷繩行沙度之道身熱首痛風災鬼難之域莫不

備寫

情形審求根實

魏書崔楷傳自比定冀水潦無

歲不饑

幽瀛——

頻年汎

溢豈

是陽九

厄會百

六鍾期

故以人事而然非為運極

紀地

古三墳地——

注聖人以聚財養

育

輟耕錄日家

川湖

古三墳日——

注聖人以聚財養

士

張望鵬鵠賦託——

以繁育

輟耕錄日家

川澗

古三墳山——

注聖人以聚財養

一書專解海中爐中之類其辭雖鑿亦自頗通因

併錄之

甲寅乙卯大溪水者寅為東北維卯為正東水

流正東則其性順而——

池沼俱合而歸故曰大溪水

也

韋應物寄精舍

親友詩見山澤下

親友詩見山澤下

川源

書禹貢九一潞一傳九州之川已潞除泉源無壅塞矣疏川言潞除泉源從其所出至其所入皆蕩

除之無壅塞也

周語幽王三年西周三川皆震伯陽

父曰今三川皆震是陽失其所而鎮陰也陽失而在陰

一必塞宋書律志序闕洛高塏地少一是故鎬

鄴潦滴咸入禮典齊書州郡志廣州鎮南海濱際海

隅委輸交部雖民戶不多而俚獠猥雜皆樓居山險不

肯賓服西南二江一深遠別置督護專征討之鹽

鐵論文學曰國有沃野之饒而民不足於食者工商盛

而本業荒也有山海之貨而民不足於財者不為民用

而淫巧衆也故一不能實漏卮山海不能澹溪壑

金丹大要紫陽翁曰要知產藥一一處只在西南是本

鄉徐浩謁禹廟詩畝澮敷四海一一潞九州喻鳧

送越州高錄事詩浦溆潮來廣一一鳥去長又作原

周語景王二十一年將鑄大錢單穆公曰不可令王廢

輕而作重民失其資能無匱乎若匱王用將有所乏

則將厚取於民民不給將有遠志是離民也且絕民
用以實王府猶塞一一而為黃汙也其竭也無日矣

川澤

詩孔樂韓土一一討討禮記月令見山林下
又王制林麓一一以時入而不禁又禮器為下

必因一一注謂夏至祭地於方澤之中周禮司險掌

九州之圖以周知其山林一一之阻而達其道路又

川師掌一一之名辨其物與其利害而頒之於邦國使

致其珍異之物左傳見山林下又見山林下漢

書地理志楚有江漢一一山林之饒江南地廣或火耕

水耨食魚稻呂漁獵山伐為業又食貨志見丘陵下

又路溫舒傳古人有言山藪藏疾一一納汙瑾瑜匿

惡國君含詬後漢書孔奮傳隴蜀既平河西守令咸

被徵召財貨連轂彌竟一一唯奮無資單車就路宋

書武帝紀先是山湖一一皆為豪強所專小民薪採漁

釣皆責稅直至是禁斷之金史禮志方丘儀設崑崙

山林一一二十一座於內墻之內素問水鬱之發陽

氣乃辟陰氣暴舉大寒乃至——嚴凝寒零結為霜雪
淮南子見山林下 韓詩外傳登高而臨深遠見之

樂臺樹不及立山所見高也平原廣望博觀之樂沼池
不如——所見博也 水經漯水又東北逕文鄉城東

南又東北逕博平縣右與黃溝同注——又東逕文鄉
城又東南逕王城北 雲笈七籤十二者一者心跡俱無

為二者心無為跡有為三者心有為跡無為四者捨家
處人間五者攜家入——六者出世與人隔絕七者與

世和光同塵八者斷欲斯斷九者不斷而斷十者遊空
中十一者在地下十二者住天上 班固答賓戲六合

之內莫不同原共流沐浴元德稟仰太和技附葉著譬
猶草木之植山林鳥魚之毓——得氣者蕃滋失時者

零落參天地而施化豈云人事之厚薄哉 柳宗元崇
門文敬用瓢齊以展周索納其雲氣復我——王昌

齡風涼原上詩風淒日初曉下嶺望——李頎別梁
錙詩洛陽城頭曉霜白層冰我我滿——元稹秋堂

夕詩雲雷時交
構——方蒸騰

川池

左傳夫冰以風壯而以風出其藏之也周其用之也徧則冬無愆陽夏無伏陰春無淒風秋無苦雨

雷出不震無蓄霜電癘疾不降民不夭札今藏——之
冰并而不用風不越而殺雷不發而震電之為蓄誰能
禦之

川漢

古三墳天——注
聖人以辨時候

川潯

江淹蓮花賦既翕艷於
洲漲亦映暖於——

川湄

傅亮司徒劉穆之碑率先羣后電發——許
敬宗奉和入潼關詩仙露含靈掌瑞鼎照——

川涘

任昉為庾杲之與劉居士糾書比日式
筵山阿虛館——實望賁然少訓側遲

川地 宋史食貨志熙州王韶請以河州蕃部近城

川土 水經注汾水又南逕汾陽縣故城東

川泥 晉書孫惠傳竊慕墨翟申包之誠跋涉荆棘重繭而至擲風沐雨來承禍難思以管穴毗佐大猷道

險時否未敢自顯伏在 情宸極謹先白箋以啓天慮

川流 禮記中庸小德 裴秀傳今上考禹貢山海 衣裳被宇冠蓋雲浮 晉書

今之十六州郡國縣邑疆界鄉取及古國盟會舊名水

陸徑路為地圖十八篇 素問土鬱之發巖谷震驚雷

乃從 聲色賢愚貴賤修短吉凶皆有表珍故五岳崔嵬有峻

極之勢四瀆皎潔有——之形五色鬱然有雲霞之現
五聲鏗然有鐘磬之音陸機演連珠披雲看霄則天

文清澄風觀水則——平潘岳哀永逝文謂原隰兮
無畔謂——兮無岸顏延之宋文帝袁后哀策文惠

問——芳猷淵塞邢劭為李衛軍以國子祭酒讓東
平王表斧藻——雕篆霞蔚沈炯勸進梁元帝第二

表見岳立下蘇轍黃樓賦息洵洵於羣動聽——之
蕩潏王仲言慈寧殿賦山壤獻靈——效祉陸架水

浮風屯雲委韋應物登西南岡卜居詩登高創危構
林表見——杜牧和殷潛之題籌筆驛詩見山聳下

川波——徐陵與王吳郡僧智書年迫桑榆宣期酬報政以
——未遠對奉無因夜夢子長之遊朝覽希道之

疏浮雲西北徒懷魏帝之文
行雨東南思假飛山之便

川清——
于興宗夏杪登越王樓臨涪江望
雪山寄朝中諸友詩見山亂下

川澄

李華含元殿賦自中徂外鏡洗——
王灣秋夜寓直即事詩見嶽秀下

川瀆

魏書李彥傳延昌二年夏大霖雨——皆溢彥相
水陸形勢隨便疏通得無淹漬之害文心雕龍

夫隱之為體義主文外秘響傍通伏采潛發譬文象之
變互體——之韞珠玉也雲笈七籤大賜為江河小

賜為

——杜預論水利疏——有常流地形有定體

柳宗元天說

人之壞元氣陰陽也亦滋甚墾原田伐

山林鑿泉以井飲竅墓以送死而又穴為偃洩築為牆
垣城郭臺榭觀游疏為——溝洫陂池燧木以燔革金

以鎔

陶甄琢磨悴然使天地萬物不得其情成

公綏

天地賦——浩汗而分流山嶽磊落而羅峙

川塞

博物志侯王設險守固保疆遠遮——近備城隍
又入聲周語見川源下史記天官書天開縣

物地動圻絕山崩反徒——
谿壖水澹澤竭地長見象

川丘 宋書禮志奏玉郊宮裡珪元時景集天廟脉壤祥
農節至昕陽一一夙禮綱威巡駐表綬中甸史流

其詠民
挹其風

川界 陶潛祭從弟敬遠文三宿水濱樂飲一
宋武帝遊覆舟山詩見巖庭下

川程 劉長卿送裴二十一詩客
思閑偏挹一一遠更分

川塗 宋書沈攸之傳攸之密通內畿一一弗遠驛書至
止晏若不聞 宋史高麗傳今國家特馳信使以

申殊寵非止歷一一之綿邈亦復蹈溟海之艱危皇朝
睦遇斯亦隆矣 劉長卿赴江西詩莫恨扁舟去一一

我更遙 韋應物寄京師諸弟
詩一一恍悠邈涕下一一闌干

川秦 宋史食貨志初元豐開一一茶場園戶既輸二稅
又輸土產隆安縣園戶二稅土產兼輸外又催理

茶課估錢建炎元年立為額至寧宗慶元初始除之

川蜀

宋史選舉志方今國家之兵東至淮海西至

而朝廷未知振其氣表其才也元史世祖紀陝西行省臣上言一一戍兵軍需請令奧魯宮徵八官庫移文於近戍官司依數取之又一一以下荆襄繼命大將帥師渡又兵志世祖即位平一一

定於

一豈非至盛者哉

江盡取南宋之地天下遂

川杜

宋史食貨志曾子前二界盡用川紙物料既精工製不苟迨十七界之更印以雜用一一之紙至十

八界則全用杜紙矣

川陸

宋書竟陵王誕傳緣谿兩道積代通衢誕拓宇開垣擅斷其一致使徑塗擁隔一一阻礙齊書高

帝紀四與戰宅六府克和一一效珍禎祥鱗集又顧
歡傳雖舟車均於致遠而有一一之節佛道齊乎達化
而有夷夏之別魏書崔楷傳頃東北數州頻年淫雨
長河激浪洪波汨流一一連濤原隰通望彌漫不已汎
濫為災水經江水又東逕諸葛亮圖壘南注石磧平
曠望兼一一有亮所造八陣圖又虎牢城西北隅有
小城周三里北面列觀臨河岓堯孤上景明中言壽春
路直茲邑昇眺清遠勢盡一一羈遶遊至有傷深情
何承天上安邊表見山陵下徐陵梁禪陳詔來獻白
環豈直皇虞之世入貢素雉非止隆周之日固以效珍
一一表瑞烟雲張衡天象賦無奎婁之分野辨鄒魯
之一一陸機豫章行一一殊塗軌懿親將遠尋儲
光義田家雜興詩日旰嬾耕鋤登高望一一高適酬
鴻臚裴主簿詩裴徊顧霄漢豁達俯一一韋應物登
蒲塘驛沿路見泉谷邨墅忽想京師舊居詩烟水依泉
谷一一散樵漁又同德寺閣集眺詩舟車滿一一四

國靡不通

川域

魏書崔浩傳見河流下王勣

川境

齊書宗室遙昌傳虜主元宏寇壽春遣使呼城內人遙昌遣參軍崔慶遠朱選之詣宏慶遠曰旌蓋

飄飄遠涉淮泗風塵慘烈無乃上勞宏曰六龍騰躍倏忽千里經途未遠不足為勞慶遠曰一既殊遠勞軒駕屈完有言不虞君之涉吾地也何故宏曰故當有故卿欲使我含瑕依違為欲指斥其事慶遠曰君包荒之德本施北政未承來議無所含瑕

川壤

夏侯湛朝華賦蛻潛根以誕節據一一以擢莖

川坻

李邕日賦莓苔連於枕石泥濘汨於一一王粲從軍詩見丘山下李頎送東陽王太守詩素沙

靜津瀨青

壁帶——

川砥 韋應物洛都遊寓詩掇
英出蘭皋玩月步——

川梁 鮑照登翻車岘詩升岑望原陸四眺極——
元帝遊後園詩高軒聊騁望煥景入—— 杜甫 梁

三川 觀水漲詩見水縮下 又成

都府 詩信美無與適側身望——

川路 周禮遂人萬夫有川——上有——以達於畿 魏書
河南王鑒傳蕭衍角城戍主柴慶宗以城內附鑒

遣淮陽太守吳秦生率兵千餘赴之行援軍已來斷路
秦生屢戰破之乘勝而進遂剋角城世宗詔鑒曰知推

角城威謀展稱良以欣然此城襟帶淮潁——衝要自
昔經算未能剋之蟻固積紀每成邊害將軍淵規潛運

妙畧克宣闢境剋城功著不日據要扼喉津徑勢阻可
謂勲高三捷朕甚嘉焉 謝莊月賦臨風嘆兮將焉歇

——長兮不可越 湛方生帆入南湖詩見巖首下
謝惠連汎南湖詩軌息陸塗初柁鼓——始 席豫江
行詩——難行遠淹留惜此辰 孫逖江行有懷詩見
石圻下 孟浩然詩武林——狹前棹入花林 高適
自淇涉黃河途中詩念茲——闊羨爾沙鷗閑 杜甫
江亭王閬州筵餞蕭遂州詩——風烟接俱宜下鳳皇
李羣玉望月懷友詩——正
長難可越美人千里思何窮

安

川徑 馬吉甫蟬賦尋——而棲遲頓林庭而延佇 孫
逖送裴叅軍充使入京詩日落——寒離心苦未

川廣

宋史河渠志水運之程自大江而下至鎮江則入
牕經行運河如履平地——巨艦直抵都城蓋甚

便也

明一統志晉安州形勝雲貴——之交 又永

寧宣撫司形勝上通雲南北連——又陸雲九慈將

結軌而世狹願援揖而——鮑照還都道中詩久宦
迷遠川——每多懼杜甫自京赴奉先縣詠懷詩行

旅相攀援——

——不可越

川冢

徐陵歐陽頤德政碑帝啓黃樞
神亡赤伏天地崩霄——沸騰

川西

魏志張琦傳青龍四年辛亥詔書張掖郡元川溢
涌激波奮蕩寶石負圖狀象靈龜宅於——巍然

磐峙

倉質素章麟鳳龍馬煥炳成形文字告命繁然著
明宋書符瑞志青龍三年柳谷之元川溢漏石形改

易狀

似靈龜廣一丈七尺一寸圍五丈八寸立於——

有石馬十二又有一牛八卦列宿慧星之象有玉匣開

蓋於前有玉玦二玉璜一又有麒麟鳳皇白虎馬牛於

中布列有文字曰上上三天王述大會討大曹金但取

之金立中大金馬一匹中正大吉闕壽此

馬甲寅述水凡三十五字當時稱為祥瑞

川口

宋史鄭剛中傳先是——屯兵十萬分隸三大將吳璘屯興州揚政屯興元府郭浩屯金州皆建帥

節

王建野池詩——雨晴風復止蜻蜒上下魚東杜牧昔事文皇帝詩——隄防決陰車鬼怪掀

西

川尾

宋史龐籍傳金明西北有渾州川土沃衍——曰橋子谷寇出入之隘道使部將狄青將萬餘人築

招安砦
於谷旁

川上

論語子在——曰逝者如斯夫不舍晝夜周禮遂人見川路下宋書樂志瞻彼逝者歲月其偕

子在

——惟以增懷明一統志——亭在常德府桃源縣學前石櫃上庾信統千弘神道碑隴頭流水延

望秦關

——娥眉猶通蜀道張淵觀象賦序覩時逝

懷——

之感步秋林同宋生之感張協雜詩——之

歎逝前修

以自勗高適訓陸少府詩欲濟——舟相

思空佇立

閻寬松滋江阻風詩巨浪天涯起餘寒——

一旋 劉長卿白鷺詩亭
亭常獨立——時延頸

川中 皮日休鳴榔詩盡水
無所逃——有鉤黨

川下 劉峻山栖志魚潛——屈穴泥沙 盧綸送張郎
中還蜀歌黃花——水交橫遠映孤霞蜀國晴

川末 鮑照還都至三山望石頭詩
泉源安首流——澄遠波

川府 易繫辭乾坤其易之緼邪疏易之所立本乎乾坤
若乾坤不存則易道无由興起故乾坤是易道之

所緼積之根源也是與易為一
一與藏故云乾坤其易之緼耶

川室 宋書孝武王皇后傳大明四年后率六宮躬桑於
西郊皇太后觀禮上下詔曰朕卜祥大昕測辰拂

羽爰詔六宮親蠶——皇太后降鑒從御佇蹕觀禮綠
蘧既具元統方脩庶儀發椒闈化動中縣妃主以下可

量加
班錫

川亭

晉書隱逸傳見嶽峙下杜牧送斛斯判官詩蒼
蒼烟月滿——我有勞歌一為聽又停同獨孤

及斬蛟奪寶劍賦見山覆下又淳
同沈約齊臨川王行狀見嶽秀下

川肆

宋書禮志
見河源下

川寶

李嶠懿德太子
冊文見嶽秀下

川錦

揚基詩春色鮮明不稱
貧越羅——照烏巾

川法

宋史占城國傳王年三十六歲著大食錦或——
錦大衫七條金纓珞戴七寶裝成金冠躡紅皮履

川紙

宋史食貨志
見川杜下

川鏡

唐五郊樂章尉祭
隼擊淹收

川引

宋史食貨志寶祐四年臺臣奏——銀會之弊皆
因自印自用有出無收今當拘其印造之權歸之

朝廷倣十八界會之造四川會子視淳祐之令作七百
七十陌於四川州縣公私行使兩料——並毀見在銀

會姑存舊引既清新會有限則楮
價不損物價自平公私俱便矣

川禽

魯語見水虞下宣和畫譜趙昌葵花——
元亭涉筆水畜魚也又云——亦魚也 李嘉祐

詩斜

照窺簾外

——

時往還

川鱗

劉長卿送獨孤判官詩伏
波初掛羽待爾靜——

川蟹

抱朴子伐木而寄生枯芟草而兔絲萎
——不歸而蝓敗桑木見斷而蠹殄

川樹

宋書天竺迦毗黎國傳見山高下皎然詩蒼然古溪上——自萎其高啓詩西郊莽迢遞——

景凝烟

川柳

岑參奉和相公發益昌詩見山花下

川彈

本草龍眼一名——子

川芎

本草芎藭釋名胡藭——香果山鞠藭

川茶

宋史兵志熙寧三年熙河運司以歲計不足乞以官茶博糴每茶三斤易粟一斛其利甚溥朝廷茶

馬司

本以博馬不可以博糴於茶馬司歲額外

增買

——兩倍茶朝廷別出錢二百萬給之

川人

吳均檄江神責周穆王壁文見海覆下

川后

王褒四瀆祠碑銘波息一

浪靖瞻臺

庾信終

南山義谷銘序見山靈下

劉攽鴻慶宮三聖殿

賦爾乃

一靜波屏翳息風舳艫相銜若複道之延屬

會

兮亘千里而相通

揚萬里壓波堂賦馮夷擊鼓而會

戰

一鞭車而疾驅

高似孫水仙花後賦

一斂颺

水夷却

濤龍伯獻珠鮫人貢絹

李商隱擬意詩見石

尤下

李羣玉中秋維舟君山看月詩雨師清滓穢

一

一掃波瀾

皮日休又魚詩樂此何太荒居然媿

一

川神

周語靈王二十二年穀洛鬪將毀王宮王欲壅之

藪不防

川不實澤今吾執政無乃實有所避而滑夫二

一之

一使至於爭明以妨王宮王而飾之無乃不可乎

川師

周禮夏官一士四人

川守

白居易題新居詩橋憑
一一造樹情府僚裁

川吏

鮑照石帆銘
掌津敢告訪途

川衡

周禮地官
掌巡川澤之禁令而平其守
又大川下士十有二人
魏書甄琛傳願弛

茲鹽禁使沛然遠及依周禮
置一之法使之監導而已

川虞

周禮
十有二人注川流水也

川黨

朱子題跋國家自熙豐元祐以來人才政事分為
兩途是此者非彼鄉左者背右既不可得而同矣

而於同之中又有異焉則若元祐之朔黨一而熙
豐之曾文肅趙清獻張丞相又與張蔡自不同也

川靈

後漢書桓帝紀
通水蝗蟲孽蔓

川祇

江淹宋光祿大夫孫
夏墓銘見岳祥下

川色

李嘉祐詩見水風下
劉禹錫三月三日與樂天
及河南尹奉陪裴令公泛洛禊飲各賦詩
晴

猶遠鳥聲暮欲棲

劉滄望未央宮詩

西上秦原見未央山嵐
晚蒼蒼

川觀

史記蔡澤傳
見巖居下

川越

陸機詩陸陵峻
坂
洪漪

川媚

宋史朱昂傳并無漂兮泉融珠潛
輝兮
陸機文賦見山輝下

川容

韋應物雪行寄褒子詩浙
澀覆寒騎飄颻暗
一

川明

柳宗元詩燈迴茂樹斷景晏寒
一
司空圖華下

送文

浦詩
虹
照雨樹密鳥衝人

川暗 孟浩然宿武陽州詩
夕陽盡孤舟泊岸初

川宵 庾闡涉江賦
見嶽墜下

川咽 周邦彥汴都賦連
牆結軌 塗塞

川吟 馮子振十八公
賦見嶽迴下

川闊 劉長卿詩 悲無梁藹然滄波夕
戎昱詩酒
傾遲日暮 遠天低 劉滄詩路長草色秋山

綠 晴光遠水連 陸游詩 鴈平度谷虛
雲亂生 元好問詩陂長留積水 畫斜陽

川靜 李羣玉鷓鴣詩霞明 極望中一時飛滅青山
綠 李洞詩 星高櫟已枯南山落石水聲廳

川澹 王維青谿詩我心素
已閑清 如此

川曲

馬祖常壯遊詩見巖空下

川長

梁洽晴望長春宮賦雲收野迴兮目極千里空淨
今纖埃不起沈佺期仙萼池亭侍宴應制

詩——看鳥滅谷轉聽猿稀韓休奉和聖製送張說

巡邊詩路極河流遠——朔氣平崔顥題沈隱侯八

詠樓詩見江靜下高適詩朝景入平川——復垂柳

劉長卿送皇甫曾赴上都詩離心日遠如流水迴首

——共落暉于良史宿藍田山口詩見山暝下錢

惟演送客不及詩橋閣——恨已多斑駁嘶斷隔雲羅

川平宋史劉滄傳又破穆寧生氏西南去洛陽二百里

中有城曰水洛——土沃又有水輪銀銅之利環

城數萬帳漢民之逋逃者歸之教其百工商賈自成完

國晁公邁登樓賦一目千里野曠——高適魯郡

途中詩日出見闕里——知汶陽盧綸春日灞亭寄

皇甫侍御詩——人去遠日暖鴈飛遲劉禹錫和竇

中丞晚入容江詩日落
舟益駛——旗自飄

川浮韋承慶靈臺
賦見山屬下

川滿左傳晉趙鞅卜救鄭遇水適火史趙曰是謂如——之
不可游也鄭方有罪不可救也救鄭則不吉不知

其他

川淺韋應物授衣還田里詩山
明始重疊——更逶迤

川迴李嶠詩風長笳響咽——騎行疎李白詩樓觀
岳陽盡——洞庭開劉滄詩殘春揚柳長——

落日蒹葭
遠水平

川多張喬終南山詩洞遠
皆通岳——更有神

川空

王冷然汝州薛家竹亭賦見巖右下

川色

馮子振十八公賦綠芳謝而雲散霧失繡馥悅而一一壤并

川遶

明一統志太平府形勝山園一一

川鎖

蘇軾塗山詩一一支祈水尚渾地埋汪罔骨應存

川涸

晉語見山崩下應璩侍郎曹長思書夫皮朽者毛落一一者魚逝春生者繁華秋榮者零悴自然

之數豈有恨哉

川漲

唐書張儉傳太宗將征遼東遣儉率蕃兵先進畧地至遼西一一久未度帝以為畏懦召還見洛陽

宮陳水草美惡山川險易并久不進狀杜甫苦雨詩挂席釣一一焉知清興終

川決

宋史張鑑傳若待一一而後防火熾而方戢則焚溺之患深矣雖欲拯救其可得乎哉

川潰

周語見川壅下漢書谷永傳山頽一一水泉湧出陸雲盛德頌凌波一一肆野陸沈柳宗元

愈膏肓疾賦巨一將一非捧土之能塞大厦將崩非一木之能支

川冲

晉書文苑傳序吉甫太冲江右之才傑曹毗庾闡中興之時秀信乃金相玉潤塹會一一埒美前修

垂裕來葉

陸機演連珠見山盈下江淹為蕭驃騎讓封第二表日薄星迴昊天無以爽其節山盈一一厚

地不能

虧其度

川壅

左傳在師之臨日師出以律否臧凶執事順成為臧逆為否衆散為弱一一為澤有律以如已也故

曰律否臧且律竭也盈而以竭天且不整所以凶也周語厲王虐國人謗王召公告王曰民不堪命矣王怒

得衛巫使監謗者以告則殺之國人莫敢言道路以目
王喜告召公曰吾能弭謗矣乃不敢言召公曰是障之
也防民之口甚於防川
而潰傷人必多民亦如之

川竭

左傳國主山川故山崩一君為之不舉降服乘
綬徹樂出次祝幣史辭以禮焉周語昔伊洛竭

而夏亡河竭而商亡今周德若二代之季矣其川源又
塞塞必竭夫國必依於山川山崩一亡之徵也齊

書高帝紀見山淪下

又武帝紀宣尼誕敷文德峻極

自天發輝七代陶鈞萬品英風獨舉素王誰匹功隱於

當年道深於日月感麟厭世緬邈千祀一谷虛立夷

淵塞非但洙泗湮淪至乃饗嘗乏主淮南子一而

谷虛立夷而淵塞脣竭而齒寒說苑湯之時大旱七

年雖圻一煎沙爛石於是使人持三足鼎祝山川

又水倍源則一

人倍信則名不達

川泳

韓愈徐泗豪三州節度掌書記廳石記後之人苟未知南陽公之文章吾請觀於三君子苟未知三

君子之文章吾請觀於南陽公可知矣蔚乎其相章炳乎其相輝志同而氣合魚一一而鳥雲飛也

川游

周禮萍氏掌國之水禁禁一一者白居易一一判示衆知防必修水禁救人鮮死無縱一一

川浸

通典職方山藪一一皆不及五嶺之外杜甫詩維南有崇山恐與一一溜

川分

韋應物秋夕西齋與僧神靜遊詩漠漠山猶隱灩灩一一始一一

川界

宋孝武帝遊覆舟山詩見巖庭下

川征

陸雲答兄平原詩生若電激沒若一一

川利

魏書甄琛傳甄琛之表實所謂助政毗治者也可從其前計使公私並宜一一無擁

川關

鮑照瓜步山揭文雖奮風漂石驚電剖山
地綸維陷一一毀宮毫盈髮虛曾未注言

川驚

劉峻廣絕交論九域聳其風聲四海
疊其煙灼靡不望影星奔藉響一一

川防

史記秦始皇紀皇帝奮威德并諸侯初一泰平墮
壞城郭決通一一夷去險阻地勢既定黎庶無繇

天下咸撫男樂其疇女脩其業事各有序惠被諸產久
並來田莫不安所羣臣誦烈請刻此石垂著儀矩法
言一有器有範見禮教之至
也經營然後知幹楨之克立也

川起

阮籍大人先生傳往者天常在下地常在上反覆
顛倒未知安固焉得不失度式而常之天因地動

山陷一一雲散震壞六合失理
汝又焉得擇地而行趨步商羽

川增

宋史樂志縟儀既登寶冊
既膺喜洽祥流雲烝一一

川盈

張華詩山不讓塵——不辭——閭丘冲三月三日
詩暮春之月春衣既成陽升土潤水渙——虞

集詩滋源恒復
流春雨——乃——

川漸

陸雲晉故豫章刺史夏府
君詠慶輝雲蔭泥潤——

川豁

貝瓊游菩提山詩林開——
見鳥下山寒石峻愁猿騰——

川震

宋史樂志夫——社亡同靈
畢戒哀思靡漫異世齊驩

川居

王勃九成宮
頌見山村下

川行

柳宗元祭呂敬叔文昔與子游尚疑其志及觀其
長誠任其事日異其能歲增其智進如——浩浩

而遂天乎有亡中道是棄又起廢答今朝廷四方豪
傑林立謀猷——羣談角智列坐爭英披華發輝揮喝

雷霆 閻寬曉入宜

都渚詩見江潯下

川至

詩如一方以莫不增

薛士隆鴈蕩山賦作
文天祥詩乾坤父

母身方來

日一一

川歸

范仲淹明堂賦況夫晨光赫曦天
顏弗違冕紱兮霞集玉帛兮一一

川帶

王維歸嵩山作清
長薄車馬去閑閑

川逝

庾信慕容寧碑銘秋風北原日沒一一應
西狩賦時霜淒而掩墊寒風肅而一一

渠

渠水

大業雜記六月勅開永濟渠引汾水入河又自汾
水東北開渠合一一至於涿郡二千里通龍舟

地理通釋——發源於小巴嶺逕巴達之伏虞西南以至於渠曰巴水出萬頃池逕明通又至渠與巴水合曰

渠元帝上穀充軍糧啓賈逵——雖曰難縱梁習勸農

竊知自勉盧思道詩俱臨鄧——共採鄴園花杜

牧東都送鄭處誨校書歸上都詩悠悠——清雨霽洛

陽城朱子代答王無功問故

園詩——經夏響石苔終歲青

渠江明一統志——在順慶府渠縣東源出巴山流經

達達等州至此縣又東經府界流至合州與嘉陵

江會於

渠口

渠塹淮南子晚世之兵莫不設——傳堞而守又守

不待——而固攻不待衝降而拔得賢之與失賢

也

渠竇

唐書五行志上元二年
秋霖雨連月——生魚

渠塘

宋史范仲淹傳每歲預下諸路風吏民言農田利
害堤堰——州縣選官治之定勸課之法以興農

利減漕運江南之圩田浙
西之河塘隳廢者可興矣

渠竭

唐書張守珪傳詔以瓜州為都督府即詔守珪為
都督州地沙磧不可藝常儲雪水溉田是時——

為虜毀材木無所出守珪密禱於神一昔水暴至大木
數千章塞流下因取之脩復堰防耕耨如舊州人神之

刻石

紀事

渠堰

唐書百官志都水監使者二人掌川澤津梁——
陂池之政宋史河渠志兩渠溉田凡四萬四千

五百頃今所存者不及二皆近代改修——浸隳舊防
繇是灌溉之利絕少於古矣荀子與時遷徙與世偃

仰緩急羸紕府然若——渠括之於已也注府與脩同

渠梁

唐書百官志水部郎中員外郎各一人掌津濟船艦——堤堰溝洫漁捕運漕碾磴之事

渠岸

宋史河渠志見渠口下

渠泥

宋史張旨傳通判府州州無井民取河水以飲賊斷其路旨夜開門率兵擊賊小郤以官軍壁兩傍

使民出汲復以——覆積草賊望見以為水有餘

渠縣

明一統志——在順慶府廣安州北一百二十里

渠路

鄭谷贈富平宰詩陵山雲裏拜——雨中巡

渠答

漢書鼂錯傳陛下幸憂邊境遣將吏發卒以治塞甚大惠也然令遠方之卒守塞一歲而更不知胡

人之能不如選常居者家室田作且呂備之呂便為之高城深塹具蘭石布一一復為一城其內城間百五十步要害之處通川之道調立城邑毋下千家為中周虎落先為室屋具田器廼募羣人及免徒復作令居之

渠丘

左傳齊一一寔殺無知注在莊九年一一齊大夫雍廩邑又晉侯使申公巫臣如吳假道於莒與

一一公立於池上曰城已惡莒子曰辟陋在夷其孰以我為虞對曰夫狡焉思啓疆以利社稷者何國蔑有唯然故多大國矣唯或思或縱也勇夫重閉况國乎

渠搜

書禹貢織皮崑崙析支一一西戎即叙新序北發一一南撫交趾莫不慕義

渠牟

說苑靈公之弟曰公子一一其知足以治千乘之國其信足以守之而靈公愛之

渠婁

大戴禮什祖氏產內熊九世至於一一

渠堂

漢書趙充國傳本始中為蒲類將軍征匈奴斬虜數百級還為後將軍少府匈奴大發十餘萬騎南

旁塞至符奚廬山欲入為寇亡者題除一降漢言之遣充國將四萬騎屯緣邊九郡單于聞之引去

渠魁

書殲厥一脅從罔治注正義曰一為大帥史傳謂賊之首領為渠帥本此

渠率

帥同史記吳王濞傳膠西為一膠東菑川濟南共圍臨淄後漢書桓譚傳是以兵長一各生

狐疑

周書晉蕩公護傳賊徒既失一遂即散走

三楚新錄馬氏諱殷上蔡人也自云伏波之後唐朱羅

亂所在豪俠競起時殷方處卒伍隨一何氏南侵長沙據之殷戰頻有功何乃擢為裨將命為邵州刺史

侍兒小名錄長安中有媒氏鮑十一娘故薛蒼駙馬家青衣也折券從良十餘年矣性便僻巧言語豪家戚里

無不經過追風挾策推為一一夏侯湛從祖叔權幼權序稱字叔權自孺子而好合聚兒童為之一戲必

為軍旅戰陳之事有違者輒嚴以鞭撻衆莫敢逆
徐陵陳公九錫文路養一一全據大都

渠長

唐書百官志京畿有一斗門長諸州堤堰刺史縣令以時檢行而涇其決築有疎則以下戶分牽

禁爭利者

渠官

宋史河渠志就近度其岸勢別開渠口以通水道歲令一一行視岸之缺薄水之淤填即時浚治

渠黃

博物志周穆王八駿赤驥飛黃白蟻華騮騾耳騶駒一一盜驪

渠略

大戴禮螭螭有殷殷衆也螭殷之時也螭螭者一一也朝生而暮死稱有何也有見也

渠母

庶物異名疏吳氏本草曰貫衆一名貫衆一名貫中一名一一

渠中

史記周本紀周后稷名棄其母有邠氏女曰姜原姜原為帝嚳元妃姜原出野見巨人蹟心欣然說

欲踐之踐之而身動如孕者居期而生子以為不祥棄之隘巷馬牛過者皆辟不踐徙置之林中適會山林多人遷之而棄一永上飛鳥以其翼覆荐之姜原以為神遂收養長之初欲棄之因名曰棄魏書刁雍傳富平西南三十里有艾山南北二十六里東西四十五里鑿以通河似禹舊跡其兩岸作溉田大渠廣十餘步山南引水入此一計昔為之高於水不過一丈河水激急沙土漂流今日此渠高於河水二丈三尺唐書杜亞傳興元初入遷刑部侍郎又拜淮南節度使至則治漕渠引湖陂築防庸入之一以通大舟夾隄高邛田因得溉灌疏啓道衢徹壅通堙人皆悅賴

渠旁

宋史河渠志淳熙十年五月詔疏木渠以一地為屯田

渠側

宋史河渠志順安軍兵馬都監馬濟復請自靜戎軍東擁鮑河開渠入順安軍又自順安軍之西引

入威虜軍置水陸營田於一一揚萬里得壽仁
壽俊二子中途書詩急呼西健步為我致一一

渠面

大業雜記每院西東南三門門並臨龍鱗渠一一
閘二十步上跨飛橋過橋百步即揚柳修竹四面

鬱茂名花美
草隱映軒陸

渠口

宋史河渠志度其制置之始涇河平淺直入一一
登年代浸遠涇河陡深水勢漸下與一一相懸水

不能至峻崖之處渠岸摧毀荒廢歲久實難致力水
經注漢靈帝建寧四年於敷城西北壘石為門以遏一

謂之石門明一統志見渠江下劉禹錫白侍郎
大尹自河南寄示池北新葺水齋詩潭心澄晚鏡一一

起晴
雷

渠流

水經注水從城西灌城東入注為淵今熨斗陂是
也水潰城東北角百姓隨水流死於城東者數十

萬城東皆莫因名其陂為臭池後人因其一一以給陂田

渠心

皮日休夜會問答詩莫怪家人畔邊笑一一祇愛黃金壘

渠形

宋史河渠志常年春雨連綿江湖泛漲之時河流忽盈驟減連歲雨澤愆闕江湖退縮一一尤亢

渠弭

國語使海於有蔽一一于有渚環山于有牢

渠成

史記河渠書見澤鹵下後漢書王景傳夏發卒數十萬遣景與王吳修渠築隄自營陽東至千乘

海口

千餘里明年夏一一帝親自巡行詔濱河郡國置

河堤

員吏如西京舊制又王梁傳代歐陽歙為河南

尹梁

穿渠引穀水注洛陽城下東寫鞏川及一一而水

不流

唐書地理志京兆府高陵有古白渠寶曆元年

令劉仁

卿請更水道一一名曰劉公堰范

成大詩

學力根深方蒂固功名水到自一一

渠結

曹毗詠冬詩寒水盈
素霜竟攔凝

渠溉

魏書刁雍傳河水浸射往往崩頽
水不得上雖復諸處按舊引水水亦難求
高懸


渠溢

水經注水盛則北注
詩夜戶不扃生茂草春
自浸花園
韓偓

李商隱詩
春急旗高社酒香



御定駢字類編卷五十三



總校官庶吉士

臣

侍

朝

校對官庶吉士

臣

翟

槐

謄錄監生

臣

王嘉

稷